

徐氏醫學十六種



## 舌白總論

舌乃心苗心屬火其色赤心居肺內肺屬金其色白舌故當舌地淡紅舌胎微白而紅必紅潤內充白必胎微不厚或畧厚有花然皆乾濕得中不滑不燥斯為無病之舌乃火藏金內之象也一經傷寒白胎必滑傷濕傷熱紅光必外露矣是以凡治傷寒苟能盡解其所傷之邪而不脫其胎本來之白此善能使邪正分局元津元氣無傷焉其溫病熱病之舌亦必使紅色漸斂漸淡白胎漸有漸生此邪熱始得外越而元陰日漸內充也當知紅乃藏氣所蘊所發白為津液所布所結耳夫傷寒邪犯皮毛舌上先有白沫繼則白涎白滑再後則白屑白砂甚則白疱白疔有舌中舌尖舌根之不同見寒邪入裡之淺深微甚即元氣之厚薄邪熱之輕重從此可測矣蓋舌固心之苗心屬南方火其色本當赤今反見白胎滑甚者是火不制金乃水來尅火之象故稱大病其寒鬱皮膚毛竅不得疎通陽氣不得外發故惡寒發熱在太陽時頭痛身疼項背強腰痛至陽明經則有白屑滿舌證雖煩躁脉如浮緊猶當汗之條少陽者白滑不滑小柴胡湯和之胃虛白胎滑甚者理中湯加桂枝朮之邊白中黃大柴胡小承氣分輕重下之白胎亦有死症者即水來尅火之賊邪也其溫病熱病實由火燥金傷元陰告匱劇症藏氣安危皆關驗舌虛實寒熱之機一一分別圖論於左

## 舌黃總論

黃胎者裡證也傷寒初病無此邪係少陽亦無此舌直至陽明府實胃中火盛或邪遏胃虛土氣洋溢均能見此有微黃不滑有深黃胎尚滑甚則乾黃焦黃也種種不同當分輕重治之夫微黃不滑者火初入胃宜清解梔子豉湯主之深黃胎尚滑者乃邪鬱胃虛熱迫於胃而土氣洋溢也宜汗解葛根解肌湯乾

黃邪雖外解火竇內熾宜白虎湯焦黃土燥火炎陰液告竭宜急下調胃承氣湯若濕熱發黃則目黃如金身黃如橘茵陳蒿湯分利之至蓄血發黃在上焦犀角地黃湯中焦桃仁承氣湯下焦代抵當湯然必大熱不解大渴飲水或泄水不欲嘔及便秘譫語痞結自利方可議清議汗議下若胃虛黃色外溢又當補中而佐以和解大抵舌黃證雖重劇脈長是中氣有權為可治如黃中見黑脈急弦細為水土無氣必不可治矣

### 舌黑總論

傷寒五七日舌見黑胎者最為危候邪熱在表無此如一二日間獨見黑舌此心腎之氣敗絕於內藏之真色外見於舌黑獨見而赤不見者水能滅火為必死也若白胎上漸漸中心黑者是傷寒邪熱傳裡之候紅舌上漸漸有黑心者乃濕熱疫癘傳染症將至也蓋舌色本赤今反見黑者是水來尅火水極似火火過炭黑之理然有純黑有黑中有芒刺不膈辦更有瓣底紅瓣底黑之不同大抵尖黑猶輕根黑最重如全黑者總有神丹萬難救療也

### 舌灰色總論

灰色舌胎有陰陽之異寒熱之辨直中陰濕即時舌便灰色而無積胎熱傳三陰必四五日表證罷而舌變灰色黃胎也有在根在尖在中之分亦有渾舌俱灰色者大抵傳經熱症則有灰黑乾胎法當攻下泄熱以存其陰若直中三陰見灰色無胎之舌又當溫經散寒以扶其陽更有蓄血證其人如狂或瞑目譫語亦有不狂不語不知人事而面黑舌灰者當分輕重以治其血切勿誤與冷水引領敗血入心而致不救也

### 舌紅色總論



紅色者舌之正色也。舌屬南方火，其色本當紅。第紅光外露，不能內藏，斯為有病之舌。夫紅舌是少陰伏熱蓄於心胃，乃自裏而達於表也。仲景曰：冬傷於寒，至春變為溫病；夏變為熱病。故舌本燦紅而面色亦赤，至瘟疫之候，一方之內，老幼皆相似者，舌亦正赤，而加以積胎也。如或失治，則蘊熱內蒸，豈但舌赤而已。必舌瘡疔腐，癰細長短，病斯劇矣。然病有輕重，舌有微甚，且舌有根尖中下左右種種不同，皆蘊毒蘊熱之所化，以見病之淺深輕重。有殊治法，亦各不相侔。當清化者，內解其毒，宜攻下者，搜滌其邪。總使元陰元氣無傷，庶不失中和之治。若論攻邪，無過達原解毒。施子淡豉三黃石羔大小承氣，至於養正，又須滋陰養營六味七味保元左歸生脉無疑矣。

### 舌微醬色總論

微醬色舌胎者，乃夾食傷寒，復夾濕熱，而胃氣不化，薰蒸於舌，故見此象也。傷之輕者，胎色薄，雖腹中疼痛不至，下利惡寒者，可用桂枝湯加枳朴，半便閉不通，加姜汁煮大黃。冷食不消，加乾姜草豆蔻。其胎色厚而腹痛甚，服藥不應者，必危。要知微醬色舌，乃老黃兼黑色，釀成確是土邪。尅水，水精不獲上榮，大土之色，故口燥唇乾，大渴不能多飲，雖應下奪，鮮有克愈者。

### 舌紫色總論

紫色舌胎者，酒後傷寒也。由大醉露卧當風，或冷飲停積不散，或已病仍飲不節，或感冒不即解散，妄用姜葱熱藥發汗，汗雖出而酒熱留於心胞，伏於經絡，血氣不能上榮於舌，故舌見紫色。而又有微白胎膜也。胎結舌之根尖，長短厚薄，涎滑乾焦，種種不同，當參脉證調治之。

### 舌藍色總論

藍色舌胎，乃肝木之色。因無胃氣而發見於外也。凡病傷寒，雖經汗下，胃氣必傷，精微不能上奉，而心火

無氣胃土失其所依肺金乏其生氣則木寡於畏反假濁汚之氣以上乘膈中而胃腕之陽和頓失故純藍之色見於舌上也明是金木相併火土氣絕之候是以必死如舌色微藍或畧見藍紋者猶可溫胃強脾調肝益肺十中或可冀其一効若純藍色見確是肝木獨旺胃失陽和雖無劇證必死無疑至勃菴瘕其舌色青藍或紫或醬乃是病邪所致然非若傷寒之藍舌必關藏氣為死候矣宜并參核之。

### 妊娠傷寒舌總論

妊娠傷寒邪入經絡舌胎漸生輕則子殞重則母傷枝損果必墜母傷胎必傾母子安危當驗於舌舌青面赤子死母活舌赤面青母死子活舌面俱青母子皆死舌面俱赤子母皆活活法昭昭詳數女科指要法中。

雜病源

河漢著

陰陽

陰陽者天地之綱紀萬物之化生人身之根本也數之可千推之可萬故病有陰陽脈有陰陽藥有陰陽以病言陰陽則表為陽裡為陰熱為陽寒為陰上為陽下為陰氣為陽血為陰動為陽靜為陰言多為陽語默為陰喜明為陽欲暗為陰陽微不能呼陰微不能吸陽病不能俯陰病不能仰以脈言陰陽則浮天滑動數皆為陽沉濡弦微遲皆為陰以藥言陰陽則升散為陽斂降為陰辛熱為陽苦寒為陰行氣分者為陽血分者為陰性動善走為陽性靜善守為陰此皆醫中之大法迨陰中復有陽陽中復有陰則此少彼多其中便有變化若陽有餘而便施陽治則陽愈熾而陰愈消陽不足而更施陰方則陰愈盛而陽斯滅矣道產陰陽原同一氣火為水之主水為火之源水火原不相離也何以見之水為陰火為陽莫分水炭何謂同源蓋大性本熱使火中無水其熱必極熱極則亡陰而萬物焦枯也水性本寒使水中無火其寒必極寒極則亡陽而萬物寂滅矣此水火之氣固不可呼吸相離也其在人即元陰元陽即先天之元神元氣也欲得先天當思根底命門為受生之基水火之宅即先天之北闕也是舍此他求如涉海問津矣

凡人之陰陽但知以藏府血氣寒熱為言此是後天有形之陰陽若先天無形之陰陽則陽曰元陽陰曰元陰元陽者即無形之火以生以化神機是也性命係之故在上亦曰元氣元陰者即天一之水以長以立天癸是也強弱係之故在下亦曰元精元氣者即化生精氣之元神也生氣通天惟賴乎此經曰得神者昌失神者亡即此之謂今之人多以後天勞傷戕伐先天今之醫只知有形邪氣不知無形元氣夫有形者迹也盛衰昭著體認無難無形者神也變幻倏忽挽回非易故精曰粗守形上守神

雜病源

陰陽

河漢著

天地陰陽之道本貴和平。則冷氣調而萬物生。此造化生成之理也。然陽為生之本。乃生氣也。陰實死之基。非真陰也。故道家曰。分陰未盡。則不仙。出分陽未盡。則不死。華元化曰。得其陽者生。得其陰者死。陰虛生內熱。陽虛生外寒。陰或生內寒。陽或生外熱。此經言陰陽之虛實也。

經曰。陽氣有餘。為身熱無汗。此言表邪之實也。陰氣有餘。為多汗身寒。此言陽氣之虛也。仲景曰。發熱惡寒。發於陽。無熱惡寒。發於陰。

經曰。陰勝則陽病。陽勝則陰病。陽勝則熱。陰勝則寒。陰根於陽。陽根於陰。病有不可正治者。當從陽以引陰。從陰以引陽。各求其屬以衰之。如求汗於血。生氣於精。從陽引陰也。引火歸原。納氣歸腎。從陰引陽也。此即水中取火。火中取水之義。

陰之病也。其來緩。其去亦緩。陽之病也。其來速。其去亦速。陽生於熱也。陰生於寒也。陽病則曰靜。陰病則夜甯。陽虛則暮亂。陰虛則朝亂。蓋陽虛喜陽助。則朝輕暮重。陰虛喜陰助。則朝重暮輕。此言陰陽之虛也。若係實邪。與此相反。陽盛則朝重暮輕。陰盛則朝輕暮重。此陽逢陽旺。陰得陰強也。其有或晝或夜。時作時止。不時而動者。以正氣不能主持。則陰陽勝負。文相錯亂。當培養正氣。則正氣勝。而陰陽將自和矣。但或水或火。必因虛實以來之。

### 命門

命門之義。醫有兩說。以診法言。左者為腎。右者為命門。故右尺診相火。左尺診腎水。以生氣言。則腎皆屬水。其真火實居兩腎之間。即經曰。七節之旁。中有小心也。

命門為精血之海。脾腎為水穀之海。均為五藏六府之本。然命門為元氣之根。真火之宅。一陽居於二陰之間。為董育之主。而五藏之陰氣。非此不能滋。五藏之陽氣。非此不能發。而脾腎是中州之土。非此火不

能生細而分之。戊土生於離宮之火。己土生於坎宮之火。故必春氣始於下。則三陽從地起。而後巽申得  
以化生。豈非命門之陽氣在下。總為脾胃之母。故脾胃為灌注之本。得後天之氣也。命門為化生之原。得  
先天之氣也。此其中自有輕重本末之先後。許知可以補脾。不若補腎。李東垣以補腎。不若補脾。各有真  
見。

命門有火候。即元陽之謂。即生物之火。然稟賦有強弱。則元陽有盛衰。陰陽有勝負。則病治有微甚。此火  
候之所以宜辨也。茲姑以大抵言之。則一陽之元氣。必自下而升。而三焦之普護。乃各見其候。蓋下焦之  
候。如地土化生之本也。中焦之候。如竈釜水穀之爐也。上焦之候。如太虛神明之宇也。下焦如地土者。地  
土有肥瘠。而出產異。山川有厚薄。而藏蓄異。聚散操權。總由陽氣。人於此得一分。即有一分之用。失一分。  
即有一分之虧。而凡夭壽生育。及勇怯精血。以至病治之基。無不由此。而元陽之足與不足。即為消長盛  
縮之主。此下焦火候之謂也。中焦如竈釜者。凡飲食之滋本於水穀。食強則體壯。食少則體衰。正以胃中  
陽氣。其熱如釜。使不其然。則早食何以午即化。午食何以申即化。而釜化之速。不過如此。觀竈釜之少一  
炬。則遲化。一項增一炬。則速化。一時火力不到。則全然不化。而脾胃之化與不化。飲食之能與不能。總由  
陽明之胃氣。有強與不強。而陰寒之邪氣。有犯與不犯耳。及其病也。則漸痞漸脹。或膈或嘔。或十化其三。  
五。或膨聚而不消。或吞酸噎膈。而食氣不變。或腹疼胸痛。而終日不饑。或清濁不分。或完穀不化。蓋化則  
無不運行。不化則無不留滯。運化則為氣。為血。留滯則為積。為痰。此其故。謂非胃氣之不健。而火候之無  
力乎。今見治病治脹。及治吞酸噎膈等證。無論寒熱。動輒呼為胃火。而能堪否。此中焦火候之謂也。  
上焦如太虛者。凡變化本於神明。而神明必根於陽氣。蓋此火生氣。則無氣不至。此火化神。則無神不靈。  
陽之在下。則溫煖。故曰相火以位。陽之在上。則昭著。故曰君火以明。是以陽長則陰消。而離照當空。故五

官治則萬類盛。陽衰則陰盛。而陽為陰抑。故聰明奪而神志衰。凡人聲色動定。及智愚賢不肖之有不齊者。何莫非陽德為之用。此上焦火候之謂也。三焦論火候。則各有所司。何以皆歸之命門。而不知水中之火。乃先天真一之氣也。藏於坎中。自下而上。與後天胃氣相接。而化為生生之本。是花萼之榮。在根。及窻釜之用。在柴薪也。使真修不發於淵源。則總屬無根之火。而無根即為病氣。非元氣也。故易以雷在地下而為復。可見火之標在上。而火之本則在下也。且大惟就燥性極畏寒。若命門陰盛。則元陽畏避。而龍火無藏身之地。故游散不歸。而為煩熱格陽。當從其性以導之。使陽和之氣直入坎中。據其巢穴。而招之誘之。則相求同氣。而虛陽無不歸原矣。故曰甘溫能除大熱也。奈何虛陽指為實熱。不思溫養。而但知寒涼。可以滅火。安望其尚留生意哉。此醫家第一活人大義。倘三焦有客熱邪火。固不得不清。原非正氣火候之謂。學者當深明邪正。即得治生之要矣。

命門有生氣。即陽和不息之機也。無生則無命矣。蓋陽性動而主升。陰性靜而主降。惟動惟升。所以陽主生氣。惟靜惟降。所以陰主死氣。陽和之氣。始於下而盛於上。升則向生也。陰靜之氣。始於上而降於下。降則向死也。故陽生於子。而前升後降。陰生於午。而前降後升。此陰陽之分歧。而死生之權柄。惟此毫厘升降之機耳。又如水煖則化氣。化氣則升。無不生也。水寒則成冰。成冰則降。無不死也。故腎氣獨沉。則奉生者少。即此生氣之理。至人之生氣。則無所不在。如藏府有生氣。顏色有生氣。脈息有生氣。七竅有生氣。四肢有生氣。二便有生氣。生氣即神氣。神自形生。何可不辨。衰者速培。猶恐弗及。然必細審孰者已廢。孰者能益。生氣孰者能損。生氣孰者宜先攻病氣。以保生氣。孰者宜先固生氣。以禦病氣。生氣即少陽之氣。無非來自根本。其得其失。總在生息之間。經曰得神者昌。失神者亡。即此生氣之謂也。命門有門戶。為一身軍國之關也。經曰倉廩不藏者。門戶不要也。水泉不止者。膀胱不藏也。得守者生。失守者死。又曰腎者胃

之關也。關門不利，聚水而從其類也。又曰：北方黑色，入通於腎，開竅於二陰，可見北門之主總在乎腎，而腎之政令總在乎命門。蓋命門為北門之樞，有陰陽之柄，陰陽和則蓄泄有常，陰陽病則啟閉無序，故有為瘕閉不通者，以陰竭水枯，乾涸之不行也；有為滑泄不禁者，以陽虛火賤，收攝之無主也。陰精既竭，非壯水必不能充，陽氣既虛，非益火必不能固。然精無氣不化，氣無水不行，此其中又有可分不可分之妙，用亦在乎聰慧者之神悟耳。

命門有陰虛以火熱之偏勝也，火熱之偏勝緣其真水之不足，故或為煩渴，或為骨蒸，或為欬血吐血，或為淋濁遺泄，明是火證而本非邪熱實熱之比。蓋實熱之火其來暴而必有感冒之故，虛熱之火其來徐而必有積損之因。此虛火實火之大有不同也。實火之火可以寒勝，可以水折，所謂熱者寒之也。虛熱之火不可以寒勝，不可以直折，所謂勞者溫之也。虛火因其無水，只當補水以配火，則陰陽自可平和。若欲去火以復水，則既虧之水未必即復，而并火去之，豈不陰陽兩敗乎？且苦寒之物絕無沖和之生氣，欲其補虛難矣。當以甘平微涼之品專補真陰，雖未必即愈，自可無害其胃。然後乘其可乘之機，暫一清解，或漸加溫潤，必使生氣漸來，庶乎脾可健而熱可退，肺漸潤而嗽漸寧，方是挽回之佳兆。多有得生者，若僅知知柏為滋陰，則陰未得滋而火馬得清，勢必敗胃而泄瀉食減者多矣。

### 君火相火

君火以明，相火以位。君道惟神，其用在虛相道惟力，其用在實。故君之能神者以其明也，相之能力者以其位也。明者明於上為神明之元主，位者位於下為化育之洪基。此君相生成之大逆而有此天不可無。此地有此君不可無。此相也以火象言之，輕清而光焰於上者，火之明也；重濁而溫蓄於下者，火之位也。明即位之神，無明則神用無由；著位即明之本，無位則光焰何從。以生故君火之變化於無形，總賴相

火之栽根於有地分之則一而二總之則二而一者也。此君火相火之辨。凡其為生他為感衰人之所賴以生者。惟此故。內經特以七節之旁。中有小心。亦以見君相之義。無藏不有。總言大體。則相火當在命門。謂根莖在下。為枝葉之本也。析言藏守。則藏府各有君相。謂意念所出。無不從乎神志也。故凡心之補肺之氣。脾胃之倉廩。肝膽之謀決。腎之伎巧。亦皆從位字發生。而五藏各有位。則五藏各有相。人之情欲。多有妄動者。動則俱能起火。火盛則傷元氣。是為元氣之賊。乃邪正之分歧也。夫惜欲之火。邪氣也。君相之火。正氣也。正氣之蓄。即為元氣。邪火之動。則傷正氣。是為元氣之賊。當知火之賊。人原非君相真火。不論內邪皆為邪火。邪火可言賊。君相不可言賊也。信夫。

### 六要

六要者。表裏寒熱虛實也。此醫中最大關鍵。明乎此。則萬病皆指諸掌。以表言之。則風寒暑濕火燥。感於外者是也。以裏言之。則七情鬱飲。食傷於內者是也。寒者陰之類。或為內寒。或為外寒。寒者多虛。而實者少。熱者陽之類。或為內熱。或為外熱。熱者多實。而虛者少。然虛者。正氣不足也。內出之病。多不足。實者。邪氣有餘也。外入之病。多有餘。

### 表證

表證者。邪自外入者也。凡風寒暑濕火燥。氣有不正者。皆是。經曰。清風大來。燥之勝也。風木受邪。肝病生也。熱氣大來。火之勝也。金燥受邪。肺病生也。寒氣大來。水之勝也。火熱受邪。心病生也。濕氣大來。土之勝也。寒水受邪。腎病生也。風氣大來。木之勝也。土濕受邪。脾病生也。又冬傷於寒。春必病溫。春傷於風。夏生殞泄。夏傷於暑。秋必痲瘧。秋傷於濕。冬生欬嗽。凡此皆言外來之邪。而邪有陰陽之辨。所傷亦各不同。然邪雖有六化。只陰陽。陽邪化熱。傷氣。陰邪化寒。傷形。傷氣者。氣通於鼻。鼻受無形之天氣。而通乎藏。故外



東於外者過營衛則為身熱體痛無汗惡寒是寒邪傷形也經曰寒則腠理閉氣不收故氣收矣是則腠理開營衛通汗大泄故氣泄矣此寒熱陰陽之辨而六氣感人又惟風寒為最以風為百病之長寒為殺厲之氣也人生內有藏府外有經絡邪之客於形身必先舍於皮膚次入經絡留而不去然後內連藏府此邪自外入之次若邪氣在表不可攻裏恐裏虛邪陷漫無解期矣表證既明裏證可因而辨也

人身藏府內經絡在外故藏府為裡經絡為表在表手足各有六經為十二經以十二經分陰陽則六陽屬府為表六陰屬藏為裡以十二經分手足則足經之脈長而且遠自上及下遍絡四體故可按之以察周身之病手經短而且近皆出入於足經之間故診外感者但言足經不言手經也然足之六經又以三陽為表三陰為裡而三陽又以太陽為陽中之表以其脈行於背背為陽主表也陽明為陽中之裡以其脈行於腹腹為陰主裡也少陽為半表半裏以其脈行於側三陽傳遍漸入三陰也故欲察表證當分足三陽經而又以太陽一經包覆肩背周身內連藏府有餘為諸陽主氣獨四通八達之樞風寒傷之先犯此經足三陽由足入腹太陽在肌表之間而三陰主裡風寒自外入者未有不由陽虛而入陰經也若連入三陰即為直中必連藏矣故陰經無獨見之表證

寒邪在表必身熱無汗以邪閉皮毛也

寒邪客於經絡必身體痛或拘急痠疼以邪氣外束營血不能流利也

寒邪在表而頭痛有四足太陽經脈上循頭項故頭連腦而痛陽明經脈上循頭面故頭連額而痛少陽經脈上循髮際故頭角作痛厥陰脈上巔頂故頭頂作痛惟太陰少陰無外邪頭痛腎虛頭痛屬少陰痰厥頭痛屬太陰也

寒邪在表陽氣不伸故令惡寒此傷寒惡寒如傷寒惡食也

邪氣在表脈必浮而緊數以營氣為邪拘束不能和緩舒徐也太陽經起目內眦上頂顛下項挾脊抵腰膝外邪干之必發熱而頭項強痛腰脊強或膝脛痛也

陽明經起目上下綱循面挾鼻行胸腹故邪在陽明必發熱目赤鼻乾不得眠也

少陽為半表裡之經繞耳前後循肩下脇肋故邪在少陽必寒熱往來耳聾口苦胸脇痛而嘔以上皆三陽表證不可攻裏或發表或微解或溫散或涼散或和解或溫中托裡而為不散之散或補陰助陰而為雲蒸雨化之散

風寒在表脈必浮緊浮則為風緊則為寒風則傷衛寒則傷營營衛俱病骨節煩疼當發其汗也風為陽衛亦為陽寒為陰營亦為陰陽邪傷衛陰邪傷營各從其類也衛得風則熱營得寒則痛營衛俱病故骨節煩疼也

浮脈為表理固然也若寒邪初感之甚者拘束衛氣不能外達脈必沉而兼緊但當以發熱惡寒頭痛身疼諸表證參合之血虛火迫動血脈數浮大按必索然陰虛水虧脈必浮數無力但當兼濡耳內火熾感脈亦浮大或洪或數為異關陰格陽脈亦浮大按必格指若此之類俱非表脈必當以形氣病氣有無表證參酌之庶免誤治之失外感寒邪脈大者必病進以邪氣日盛也然必大而緊數方為病進若初病脈小以後漸大漸緩者此從陰轉陽又為胃氣之脈病雖危劇終當漸解也病若未減脈氣緊而無力者靡有愈期也蓋緊者邪氣也力者元氣也緊而無力是邪氣有餘而元氣不足何以逐邪外出耶善診者必使元氣漸充則脈漸有力自小漸大自虛漸充漸至微洪微滑此是陽氣漸達而表將自解矣若日見無力而緊數日甚危亡之兆也

病必自外入者方得謂之表證若由內以及外便非表證矣經曰從內之外者調其內從外之內者治其外從內之外而感於外者先調其內而後治其外從外之內而感於內者先治其外而後調其內此內外先後之不可不知也

傷風中風皆屬風邪不可均作表證傷風之邪自外而入表證也可散之溫之而已中風之病雖有風邪實由內傷而入宜扶本疎邪乃為正治更有本無風邪形證類乎中風者積損累敗致然也俱不可作表證論

發熱之類似皆火證但當分辨表熱裡熱凡邪在表而發熱者表熱裡無熱也此因寒邪在表治宜解散邪解而外熱亦解在裡發熱者裡熱甚而達於外也此是大證治宜清涼裡熱化而外熱亦解凡此雖分內外皆可作邪熱證論治若陰虛水虧為骨蒸為夜熱者此藏虛內熱切不可作邪熱例治惟壯水滋陰則虛熱可解

濕燥二氣亦外邪之類但濕有陰陽燥亦有陰陽濕從陰化為寒濕燥從陽化為濕熱燥從陽化因於大燥從陰化發於寒熱則傷陰必連於藏寒則傷陽必連於經此濕燥皆有表裡皆有陰陽必當細辨別治經曰因於濕首如裹又曰傷於濕者下先受之若衝風冒雨動作勞苦汗濕沾衣皆濕從外入者也嗜飲酒醢恣啖生冷內傷脾胃泄瀉腫脹嘔吐疸黃皆濕從內出者也在外在上宜汗解在內在下宜分利濕熱宜清宜淡寒濕宜燥宜溫又曰清氣大來燥之勝也風木受邪肝病生也即中風之屬蓋燥勝則陰虛陰虛則血少血少則或為牽引或為拘急或為脾痿風消或為藏府乾結此燥從陽化陰氣不足而傷子內者然也治當養營滋陰為主若秋令太過金氣勝而風燥從之則肺先受病而燥生也此傷風之屬由風邪外來氣應皮毛故身熱無汗乾欬喘滿鼻塞聲啞咽乾喉燥此燥自金生衛氣受邪而傷乎表者然

也。治以輕揚解散潤肺祛邪為主。

### 裏證

裏證者病之在內在藏也。凡病自内生則或因七情或因勞倦或因飲食所傷或為酒色所困皆為裏證。未免誤表作裏。誤裏作表。最為大害。當詳辨之。

身雖微熱。濺濺汗出不止。及無身體痠疼拘急。脈不緊數者。此熱非在表也。

身熱不惡寒。反惡熱。此絕無表邪。乃陽明熱盛於裏。正為裏證也。

凡病表證而小便利者。知邪已入裏也。

表證不罷而飲食不進。胸腹拒按者。此邪已實於裏也。若嘔惡口苦。心胸滿悶。乃表熱傳至胸中。漸入於裏也。煩燥不眠。躁渴譫語。腹肚下利者。皆邪熱深入於裏也。腹脹喘滿。大便結硬。潮熱斑黃。脈滑數實。此則陽明胃府裡實。乃可下之也。

七情內傷過於喜者。傷心而氣散。心氣散者。收之養之。過於怒者。傷肝而氣逆。肝氣逆者。平之抑之。過於思者。傷脾而氣結。脾氣結者。溫之豁之。過於憂者。傷肺而氣沉。肺氣沉者。舉之舒之。過於恐者。傷腎而氣怯。氣怯者。壯之安之。

飲食內傷。氣滯而積者。胃之實也。宜消之逐之。不能運化者。脾之虛也。宜煖之助之。

酒熱傷陰。煩滿而欬嗽者。濕熱為病也。清之泄之。酒濕傷陽。腹痛泄瀉。嘔惡者。寒濕為病也。溫之燥之。

勞倦傷脾者。脾主四肢也。必當調補其中氣。

色慾傷腎。陽虛無火者。兼培其元氣。陰虛無火者。純補其真陰。痰飲為患。必有所本。治所從來。方為至治。

若但治標。非良法也。五藏更藏傷。本不易辨。然有諸中。必形於外也。故肝病則目不能視。而色青。心病則

寒熱

舌不能言而色赤脾病則口不味而色黃肺病則鼻不聞香而色白腎病則耳不聽音聲而色黑

寒熱者陰陽之化也陰不足則陽乘之而變為熱陽不足則陰乘之而變為寒故陰勝則陽病陰勝為寒也陽勝則陰病陽勝為熱也熱極則生寒是熱極而陽內陰反外也寒極則生熱乃寒極而陰盛而陽行於外也陽虛則外寒寒必傷陽也陰虛則內熱熱必傷陰也陽勝則外熱陽歸陽分也陰盛則內寒陰歸陰分也寒則傷形形言表也熱則傷氣氣言裡也故火旺之時陽有餘而熱病生水旺之時陽不足而寒病起人事之病由於內氣文之病由於外寒熱之表裡當知寒熱之虛實亦不可不辨熱在表者為發熱頭痛為丹腫斑黃為揭去衣被為諸痛瘡瘍熱在裡者為脹滿昏悶為煩渴痞結或喘急叫吼或躁擾狂越熱在上者為頭疼目赤為牙痛喉癢為諸逆冲上為喜冷古裏熱在下者為腰足腫痛二便閉澇或莖痛遺精或溺赤便濁

寒在表者惡寒身痛浮腫膚疼及容顏青慘四肢寒厥

寒在裡者惡心嘔吐冷噦腸鳴及心腹疼痛喜熱畏冷

寒在上隔吞酸噎腐噎塞反胃及飲食不化喘腹呃噦

寒在下焦清濁不分腹痛瀉泄及陽痿遺精膝脛寒冷

真寒之脉必遲弱無神真熱之脉必滑數有力

陽藏之人多熱陰藏之人多寒陽藏者必平生喜冷畏熱即朝夕食冷絕無所病此真陽之有餘也陰藏者喜熱畏冷畧食寒涼必傷脾胃此真陽之不足也第陽強者少十惟二三陽弱者多十常七八然特強者每多致病畏弱者多獲康安若見彼之強忘我之弱則與侏儒觀場醜婦幼墮者無異矣

寒熱真假

寒熱有真假者陰證似陽陽證似陰也惟陰極反能發熱是內寒外熱即真寒假熱也陽極反能厥冷乃內熱外寒即真熱假寒也假熱者最忌寒涼假寒者切忌溫熱辨此之法當以脈之虛實強弱為主

假熱者水極似火也凡病傷寒或雜病其有素稟虛寒偶感邪氣而反熱者有勞倦受邪而反熱者酒色過度受邪而反熱者七情過度受邪而反熱者更有原非火證誤服寒涼而反熱者真熱本發熱而假熱亦發熱見證亦面赤煩躁大便不通小便赤澀或為氣促咽喉腫痛或為身熱脈勢躁疾未免誤認為熱妄投寒涼下咽必斃不知身雖熱而裡實寒正是裡寒格陽之證乃虛陽不斂也故口雖乾渴不喜冷飲熱飲亦不能多或大便不實或先硬後溇或小便短少或水枯黃赤或氣短懶言或神倦色黯或起倒如極禁之則止自與登高罵詈者不同此虛狂也或斑如蚊跡淡紅細碎自與蒸極虛寒者不同此虛斑也假熱之脈沉細急疾或豁大無神此熱越皮膚寒在藏府所謂惡熱非熱明是陰證也似此內敗真寒不知求本但知攻熱則無不速危矣急當以八味理陰回陽四逆倍加附子引火歸原使元陽漸回則熱必退藏所謂火就燥者是也經曰身熱脈數按之不鼓擊於指下者此陰勝格陽非熱也仲景治少陰證煩躁發狂者四逆湯加猪胆汁人尿以平格陽之氣東垣治面赤目赤煩燥欲飲脈七八至按之則散者此無根之火當以姜附湯加人參以補攝元氣外臺秘要以陰盛格陽名陰躁欲坐井中宜以熱藥治之假寒者火極似水也如傷寒熱甚失於汗下致陽邪元極熱伏於內自陽入陰其初身熱漸至發厥神志昏沉或時畏寒此真寒本畏寒而假寒亦時畏寒是厥深熱深熱極反兼寒化也必聲壯氣粗形強有力唇焦舌黑燥渴飲冷小便赤澀大便秘結或熱結旁流下利清水中仍有燥蘊及失氣極臭者非寒也脈必滑數有力是實熱內結也承氣湯心煩潮熱大柴胡湯有熱無結自汗煩渴脈洪無力者如神白虎湯

雜病假寒必時慄畏寒口渴飲水此熱極於內陽氣不伸正寒在皮膚熱在臟府也所謂惡寒非寒明是熱症故飲冷便結溺濁口臭躁擾不寧脉必滑數有力當以涼膈加連清熱存陰內熱既除則假寒自退所謂水流濕者是也經曰身熱厥冷脉必滑數按之鼓擊於指下者此陽極似陰非寒也

### 虛實

虛實者有餘不足也有表裏之虛實氣血之虛實藏府之虛實陰陽之虛實凡外入之病多有餘內出之病多不足實言邪氣當退虛言正氣當補欲明虛實當知根本夫病邪之實固為可慮而元氣之虛更屬可慮診病之法必先以元氣為主而後求病邪之深淺若實而誤補不過增病病增者隨可解救虛而妄攻必致脫元元脫者不可生矣總之虛實之要莫逃乎脉如脉之真有力真有神方是真實症脉之假有力假有神便是假實症矧脉之無力無神以至全無力全無神者

表實者發熱身痛惡寒鼓頤或惡熱揭衣揚手擲足寒束於表者無汗火結於表者有瘍走注紅癩知營衛之有熱拘急痠疼知經絡之有寒

裏實者為痛脹為痞堅為閉結喘滿為煩躁悞慢或氣血積聚結滯腹中不散或寒邪熱毒深留藏府難治

陽實者多實惡熱陰實者多痛惡寒氣實者氣必喘粗聲音壯厲血實者血必凝聚多痛且堅心實多言多笑小便黃赤濁少肝實多悞多怒小腹兩脇疼痛脾胃病滿腹脹氣閉身重肺實喘欬多痰胸滿氣逆腎實氣壅衰閉二便痛澀

表虛多汗戰慄怯寒耳聾眩暈目暗羞明或肢體麻木舉動不勝煩勞或皮毛枯槁肌肉日漸瘦削或顏色憔悴或神氣索然裡虛心怯心跳多驚津液內竭神志不寧或饑不飲食渴不喜冷或畏明張目惡聞

人聲或飲食難化時多嘔惡或氣虛中滿二便不利或遺精而溲溺不禁或泄瀉而脫出肛門女子血枯經閉胎多下墜帶下赤白崩漏瘰癧淋

陽虛者火虛也為神氣不足眼黑頭眩咳嗽吐沫必多寒而畏寒

陰虛者水虛也為骨蒸勞熱亡血戴陽乾欬失精必多熱而畏熱

氣虛者氣短似喘聲音低怯

血虛者肌膚乾澀筋脉拘攣

心虛則神怛志意怯慮多悲愁不樂肝虛則目眩無所見善恐陰縮筋攣脾虛則四肢不為我用飲食不為膚肌肺虛氣少自微皮毛枯澹少澤腎虛二便不禁夜多夢泄遺精

虛者宜補實者宜瀉不知虛中復有實實中復有虛故至虛有盛候大實有羸狀也如病起七情或饑飽勞倦或酒色所困或先天不足每多身熱便閉虛狂脹滿戴陽假斑證似有餘實由不足又如外感未除留伏經絡飲食不消積聚藏府或鬱結逆氣有不可散頑痰瘀血有所留藏病磨致羸似乎不足不知病根未剷實非虛症也經曰無實實無虛虛謂指不足而益有餘耳

### 治法


逆者正治從者反治以寒治熱熱治寒此正治也正即逆也以熱治熱以寒治寒是反治也反即從也如熱藥散寒病而寒不去者無火也當以桂附參熟治之即益火之原以消陰翳也熱治寒而寒不返反用寒涼而寒退者此正假寒之病以寒從治則熱化而寒自解也寒藥治熱病而熱不除者無水也當以六味知柏治之即壯水之主以制陽光也寒治熱而熱不愈反用參薑桂附八味而退熱者此即假熱之病以熱從治即甘溫能除大熱也熱因寒用者沉寒內結當以熱藥治之第寒甚格熱熱不能解則以熱藥



冷服下咽之後冷性既消熱性便發情且不違而致大益寒因熱用者如大熱在中以寒攻治則不入以熱攻治則病增乃以寒藥熱服入腹之後熱性既消寒性遂行情且協和而病日以減也

### 氣味

氣味之辨則諸氣屬陽諸味屬陰氣本乎天有四寒熱溫冷是也味本乎地有六酸苦甘辛鹹淡是也溫者天之陽寒涼者地之陰也辛甘淡者地之陽酸苦鹹者地之陰也陽主升而浮陰主沉而降辛主散其行也橫故能解表甘主緩其性也和故能補中苦主瀉其行也下故可去實酸主收其性也斂可以治泄淡主滲其性也利可以分消鹹主軟其性也沉可以導滯用純氣者取其動而能行用純味者取其靜而能守氣味兼用合和之妙君臣相配宜否之機既欲其宜尤當知忌先避其害後用其利一味不投取善俱棄欲表散者須遠酸寒欲降下者勿兼升散陽旺者當知忌熱陽衰者沉寒勿犯上實者忌升下實者忌秘上虛者忌降下虛者忌泄諸動者再動即散諸靜者再靜則澀甘勿施於中滿苦勿投於假熱辛勿需於熱躁鹹勿用於傷血酸本木味最能尅土脾氣虛而少運者切勿輕投陽中復有陰象陰中復有陽訣使能燭此陰陽則藥理雖玄豈難透徹



吳江徐靈胎大椿著

調經門

汪石山治一婦瘦小年二十餘經水紫色。或前或後臨行腹痛喜熱惡寒或時感寒腹亦作痛脉皆細濡近滑兩尺重按略洪而滑此血熱也。或謂惡寒如此何謂為熱曰熱極似寒也。遂用黃連四兩香附歸身尾各二兩五靈脂一兩為末糊丸空腹吞之而愈。

一婦年二十一歲六月經行腹痛如刮難及求死脉則細軟而駛尺則沈弱而近駛汪曰細軟屬濕數則為熱尺沈屬鬱滯也以酒煮黃連八兩炒香附六兩五靈脂半炒半生二兩歸身尾二兩為末糊丸空心湯下三四錢服至五六料越九年得一子後屢服屢效歷十五年後前藥罔效汪復診之脉皆洪滑無力幸其尚有精神汪曰此非舊日比矣舊日鬱熱今則虛寒東垣曰始為熱中終為寒中是也經曰脉至而從按之不鼓乃陰盛陽當作寒治且始病時而形斂小今則形肥大矣書曰瘦人多血熱肥人多血虛豈可同一治也所可慮者汗大泄而脉不為汗衰血大崩而脉不為血減耳其痛日重夜輕知由陽虛不能健運故亦凝滯而作痛以證參脉宜用助陽若得脉減痛輕方為佳兆遂投參耆歸木桂附一劑來朝再診脉皆稍寬服至二三十劑病已愈蓋病有始終寒熱之異藥有前後用舍不同形有肥瘦壯少不等豈可以一方而通治哉

發熱門

吳菱山治一婦經血過多五心煩熱日晡潮熱脉數沉滯諸藥不效投以四物湯加胡黃連三服而愈薛新甫治一婦人經候過期發熱倦怠或用四物黃連之類反二月一度且少而成塊又用峻藥過之兩

目如帛所蔽。曰脾為諸陰之首。目為血脈之宗。此脾一受傷。五藏皆為失所。不能歸於胃。胃氣一虛。則清陽皆不能上奉。遂用補中益氣歸脾二湯。專主脾胃。半年尋愈。

### 熱入血室門

許學士治一婦病傷寒發寒熱。遇夜則如鬼魅狀。經六七日。忽然昏塞。涎響如引錐。牙關緊急。瞳目不知人。病勢危困。許視之曰。得病之初。曾值月經來否。其家云。經水方來。病作而經遂止。得一二日發寒熱。晝雖靜。夜則有鬼祟。從日昨不省人事。許曰。此乃熱入血室證。仲景云。婦人中風發熱。惡寒。經水適來。晝則明。暮則譫語。如見鬼狀。發作有時。此名熱入血室。醫者不曉。以刮劑與之。遂致胸膈不利。涎潮上湧。喘急。真。昏冒不知人。當先化其痰。後除其熱。乃急以一呷散投之。兩時頃。涎下得睡。省人事。次以小柴胡湯加生地黃三服。而除不汗而自解矣。

一婦人熱入血室。醫者不識。用補血調氣治之。數日遂成血結胸。或勸用藥。許公曰。小柴胡已達。不可行也。無已。刺期門穴。斯可矣。予不能鍼。請善鍼者治之。如言而愈。或問熱入血室。何為而成結胸也。許曰。邪氣傳入經絡。與正氣相搏。上下流行。遇經水適來。適斷。邪即乘虛入於血室。血為邪所迫。上入肝經。肝受邪則譫語。而見鬼復入膈中。則血結於胸中矣。何以言之。婦人平居。水養木。木養肝。方未受孕。則下行為月水。既受孕。則中蓄之養胎。及已產。則上壅之。以為乳。皆血也。今邪逐血。併歸於肝經。聚於膈中。結於乳下。故手觸之則痛。非藥可及。故當刺期門也。

虞德恒治一少婦。夏月行經。得傷寒。似虛。藏語狂亂。諸醫皆以傷寒內熱。投雙解散。解毒湯。服之大汗如雨。反如風狀。次以牛黃丸。金石之藥。愈投愈劇。一日延虞診視。脈弦而大。虞思傷寒內熱。狂亂。六陽俱病。豈不口乾舌黑。沉脈不數。病體按之或熱或靜。其腹急痛。意必有內傷。在前傷寒在後。後傷寒傳注。

雖已內傷則尚存故也因細問之患者曰正行經時因飲食後多必用冷水抹身因得此證方知冷水外閉其汗內阻其血邪熱入於血室經血未盡血得邪熱乍靜乍亂故寒熱證語掉眩類風也須得玉燭散下之下後證語已定次以四物小柴胡湯調理五日熱退身涼患遂瘳

衍義云一婦人溫病已十二日診之其脈六七至而濇寸稍大尺稍小發寒熱頰赤口乾不寐耳聾問之病數日經水乃行此屬少陽熱入血室也若治不對病則必死乃按其證與小柴胡湯服之二日又與小柴胡湯加官桂乾姜一日寒熱遂止又云臍下急痛又與抵當丸微利臍下痛痊身漸涼脈漸勻尚不了了乃復與小柴胡湯次日但胸中熱躁口鼻乾又少與調胃承氣湯不得利次日心下痛又與大陷胸湯半服利三行次日虛煩不再時有所見復狂言雖知其尚有燥屎以其極虛不敢攻之遂與竹葉湯去其煩熱其夜大便自通至晚兩次中有燥屎數枚而狂言虛煩盡解但咳嗽唾沫此肺虛也若不治思成肺癆遂與小柴胡湯去人參大棗生薑加乾姜五味子一日效減二日而病悉愈

薛文齋治一婦人懷抱素鬱感冒風熱經行證語服發散之劑不應用寒涼降火前證益甚更加月經不止肚腹作痛嘔吐不食痰涎自出此脾胃虛寒用香砂六君子湯脾胃漸健諸證漸退又用歸脾湯而全愈

### 經行泄瀉明

汪石山治一婦人必泄瀉三日然後經行診其脈皆濡弱此脾虛也脾統血制濕經行將動脾血先已流注血海然後下行為經脾血既虧則脾氣亦不能運行其濕也今作參苓白朮散每服一錢一日米飲調下二三次月餘竟不瀉

一婦年逾四十形長色脆病經不行右脈浮軟而大左脈虛軟而小近曉常時經前作瀉今年四月感風

效嗽用湯洗浴汗多因瀉一月六月復因洗浴發瘧六七次瘧雖止而神思不甦至八月盡而經水過多白帶時下泄瀉不止右脚皮痛舊曹胸脚根今則假此延痛腎腿腰肋尻骨頸項右遍經脉皆掣痛或效嗽一聲則腰眼痛如腰扎日輕夜重叫號不已幸痛稍止飲食如常今詳月水過多白帶時下日輕夜重泄瀉無時亦屬下多亡陰宜作血虛論治服四物止痛之劑益甚九月注復診視始悟此病乃合仲景所謂陽生陰長之法矣夫經水多白帶下常泄瀉皆陽虛下陷致然名曰脫陽日輕夜重者蓋日陽旺而得健運之職故血無凝滯之患而日故輕夜則陰旺而陽不得其任失健運之常血亦隨滯故夜重遂以苓朮助陽之藥前服五七劑一月全安

### 經閉門

一室女年十七病冬人愈天癸不通發熱效嗽飲食少思欲用通經丸薛曰此蓋因雲氣不足陰血未充故耳但養血氣益津液其經可自行彼惑於速効仍用之余曰非其治也此乃剽悍之劑大助陽火陰血得之則妄行脾胃得之則消耗後果經血不止飲食不入遂致不救

一婦人將一女子年十五時來診言女子十四時經水自下今經反斷其母言之恐慌余曰若是夫人親女必夫人年十四時亦經水下所以斷者為避年乃怪後當自下此真氣猶怯稟賦素弱而然也如欲藥之宜固先天真氣使水升火降則五臟自和而脉通行矣

一婦人月事不行寒熱往來口乾頰赤飲食少進至暮間效二三聲諸醫皆用蝨虫水蛭乾漆硝砂芒青紅娘子沒藥血竭之類惟余不然曰古方雖有此法奈病人服之必臍腹發痛飲食不甘乃命止藥內經曰二陽之病發心脾心受之則血不流故女子不月既心受精熱宜抑火升水派濕潤燥陽胃諸食乃湧出庚一二升下泄水五六行水濕上下皆去血氣自然流月事不為水濕所隔自可依期而至

矣亦不用蟲等有毒之藥如用之則月經縱來小溲反閉他證生焉凡精血不足者宜補之以味大  
忌有毒之藥性偏氣悍而致天枉多矣

一婦人年二十四歲經水不行寒熱往來面黃頰赤口燥唇焦時效二三聲視其所服之藥重神散烏金  
丸四物湯燒肝散驚風散建中湯寧肺散鉞艾千百轉劇家人意倦不欲求治余憫之先湧痰五六升  
午前湯畢午後病除後二日復輕湧之又去痰一二升食益進不數日又下通經散瀉訖一二升數日  
後去死皮數重小者如數片大者如膜皮不月餘經水自行神氣大康矣

### 血崩明

王善人母年五十餘血崩一載曾用澤蘭丸黑神散保安丸白薇散補之不效余見之曰天癸已盡本不  
當下血蓋血得熱而流散非寒也夫女之血崩多因大悲哭悲甚則肺葉布心系為之血血不替而下  
崩內經曰陰虛陽搏謂之崩陰脈不足陽脈有餘數則內崩血乃下流舉世以虛獨治之莫有知其非  
者可服大劑者黃連解毒湯是也次以香附二兩炒白芍二兩炒當歸二兩焙三味同為細末溫水調  
下又服檳榔丸不旬日而安

西園公治婦人年六十二歲血崩不止投黃連解毒湯四劑後服原腸散合四物湯六劑後即愈此婦因  
悲哀太過則心系急肺布葉舉而上焦不通熱氣在中迫血而崩故效

薛氏治一婦人年將七十素有脾肺之證每發則飲食不進胸膈不舒或中脘作痛或大便泄瀉或小便  
不利投以逍遙散加山梔木香香附換茯神而愈後憂女孀居不時崩下紫黑血其病每作先倦怠而  
後發熱經曰積憂傷肺積思傷脾肺傷則肝木無制脾傷則木愈乘脾肺兩傷則肝陽獨旺不能攝  
血歸經而發也隨以前方加炒黑黃連五分炒黑吳茱三分一服頓止數服而康

一婦人年六十四歲素多鬱怒每患必頭痛寒熱春間乳內作痛服流氣飲之類益甚不時有血如經行又大驚恐則飲食不進夜寐不寧乳腫及兩脇痠痛如炙午後赤甚余以為肝脾鬱久血燥先以逍遙散加醋浸炒黑龍膽草一錢炒黑山梔一錢半二劑腫痛頓退又二劑而全消改用歸脾湯加黑山梔川貝母諸證悉痊

一婦因怒崩血久不能止面色青黃或赤此肝木制脾土而血虛也用小柴胡合四物湯以清肝火生肝血又用歸脾補中二湯以益脾氣生肝血而瘥此證若因肝經風熱而血不寧者以防風一味為丸以兼證之藥煎送或肝經大動而迫血者用條芩炒黑為丸以兼證之藥煎送無有不效

一婦人性急多怒每怒非耳項喉蓋胸乳作痛即胸滿吞酸吐瀉崩下不止此皆肝火之證肝自病則外證具王受齋則內證作治外證用四物湯加白朮茯苓柴胡炒山梔炒龍膽治內證用四君湯加柴胡白芍木香吳茱炒黃連內外證先後迭治悉平惟血崩不淨是血分有熱脾氣尚虛以逍遙散倍用白朮茯苓又以補中益氣湯加醋炒白芍炒鬆生地一月之期血止而經亦調矣

戴同父治一婦血大至曰崩中或清或濁或統下塊血瘀腐勢不可遏甚則頭目昏暈四肢厥冷並宜膠艾湯吞靈砂丸佐以三灰散或以童子小便煎理中湯或以沉香降氣湯加入百草霜血崩甚而腹又痛人多疑為惡血未盡又見血色紫黑愈信惡血之說不敢止截大凡血之為患欲出未出之際停在腹中即成瘀色固難盡以瘀色之血為惡又焉知瘀之不為虛冷乎若必待瘀去之後截之恐併與人無之矣此腹痛更有說瘀血腹痛血通則痛止崩下腹痛血住則痛止宜芍歸湯加炮姜魚附止其血而痛自止矣

薛新甫表弟不健甫內年五十辛丑患血崩諸藥罔效壬寅八月身熱體痛頭眩涕出吐痰少食故作大



治。展轉發熱絕粒數日。余診之曰。脾胃久虛。遇服寒藥。虛病未已。寒病復起。遂用八味丸。料一服。翌早  
遂索粥數匙。再服。食倍。熱減。痛止。乃服八味丸。而愈。癸卯秋。因勞役憂怒。病雖幸不大。猶申辰憂怒。復  
作。胸悶發熱。脊痛腰疼。神氣拂鬱。或作中暑。遂崩血。便血。煩渴引飲。粒米不進。昏惰有時。脈洪大。按之  
微弱。此無根之火。內虛寒而外假熱也。十全大補湯加附子一劑。食粥三四匙。仍服八味丸。而始愈。  
大尹王天成之內血崩。自服四物涼血之劑。或作或止。因怒發熱。其血大下。服前藥不應。更主降火。腹脇  
大痛。手足俱冷。余曰。此脾胃虛寒所致。先用附子理中湯。痛止。肢熱。又用補中益氣歸脾二湯。崩血頓  
止。熱亦解。而食進神康矣。

錦衣楊永興之內血崩。遇服寒涼之劑。其證益甚。肚腹痞悶。飲食不入。發熱煩燥。脈洪大而虛。余診之曰。  
此脾經氣血虛而發熱也。當急用八珍湯加炮姜以溫補之。稍遲則不救。彼不信。仍服止血降火之劑。  
虛證蜂起。始信余言為不謬。但惜緩不及治矣。

東垣治郭大方內經血暴崩。曾殞身失血。以後經數日一來。今次大下不止。脈沉細而間有數象。九竅微  
不利。四肢無力。氣喘短促。口冒氣。皆不調。此心氣不足。飲食失節。脾胃虛弱。不化。故胃脘當心下作  
痛。腸下急。當臍有動氣。虛證畢集。惟擬治本。餘證可以皆去。製黃耆當歸人參湯三啜而安。

薛新甫治一婦人。血朋兼心痛。已三年矣。諸藥不應。每痛甚。虛證悉具。面色萎黃。此心主血。血去過多。心  
無所養。以致作痛。宜十全大補湯倍參朮。三十餘劑。稍愈。百餘劑全安。

一婦人年四十餘。久患血朋。面色萎黃。倦怠無力。或健忘怔忡。驚悸不寐。或心脾傷痛。飲食不思。薛診之。  
脈大軟濡。曰。此思慮傷脾。不能攝血。以致經血妄行。故集崩不已。馬歸脾湯加熟地白芍。投百餘劑而

氣陷血脫門

東垣治一婦人。經行黑血凝結成塊。左廂有血澱水瀉不止。穀食有時化。有時不化。至今歲四月。血塊暴下。水注並作。是前後二陰有形之血脫。竭於下。無形之氣先已下陷。故水瀉日已四五行。不食則微滿。食罷則心煩不快。甚至飲食不進。形神困竭。曰夫聖人治病。必本四時升降浮沉之理。經權當變之宜。若不本四時。以順為逆。非其治也。且治之大法。必先歲氣無伐天和。無盛盛。無虛虛。遺天殃。無致邪。無失正。絕人長命。故陽盛陰虛。下之則愈。汗之則死。陰盛陽虛。汗之則愈。下之則死。大抵聖人立法。各自有義。且如升陽以發散之劑。是助春夏之陽氣。令其上升。乃瀉秋冬肅殺寒涼之氣。此病是也。當用此法治之。乃升降浮沉之至理也。夫天地之氣。以升降浮沉。乃從四時。如治病逆之。則殺人矣。故經云。順天者昌。逆天者亡。可不畏者。夫人之身。亦有天地四時之氣。不可止認在外。人體亦同天地也。今崩下不止。是前陰之氣血已下脫矣。水瀉又數年不愈。是後陰之氣陽已下陷矣。後陰者。未有形之物也。前陰者。乃精氣之門戶。今俱下竭。是病人周身之氣。常行秋冬之令。陰主殺。此等降下之病是也。陽升陰長。春夏是也。在人身之中。今氣升浮者。穀氣上行故也。既病則周身血氣皆不升。長穀毒又不上行。其肌肉消少。是兩儀之氣俱將竭矣。既下元二陰俱脫。血氣消竭。假令當日原是熱證。今下焦久脫。已化為寒矣。此病久沉失降。寒濕大勝。當急救之。瀉寒以熱。降濕以燥。大升大舉。以助生長。補養血氣。不致偏枯。聖人立法之法。濕氣太盛。以所勝助之。助甲膽風木上升是也。余以補中調中。清燥三方。屏去連柏。加桂附或姜附。迭舉三法。調治半年。而康復如常。

東垣治一女子。月事不調。漏下惡血。或暴崩不止。多下水漿之物。此勞傷形體。心火乘脾。故倦怠嗜臥。四肢不收。氣喘短促。無氣以助。脈緩弱。急按之洪大。乃血脫氣陷。得之脾土受瀉。熱之邪也。投調經升陽

除濕湯三吸而病如失

東垣治一婦久患血崩面黃之力倦怠少氣脉大而瀉此血脫氣弱脾胃受病也投益胃升陽湯半月而愈赤白帶下

張子和治一婦病帶下連綿不絕白物淫溢已三載矣命予脉兩手俱滑大有力得六七至常上熱口乾眩暈時嘔酢水知其實有寒痰在胸中以瓜蒂散吐出冷痰二三升是即所嘔酢水也間有黃涎或如爛膠次以漿粥養其胃氣又次用導水禹功以瀉其下然後以淡劑滲泄之藥利其水道不數日而愈息城李左衛之妻病白帶如水窈滯綿綿不絕其穢之氣不可近身面黃食減已三年矣請醫皆云積冷陽起石石硫黃薑附之藥重重燥補汚水轉多余斷之曰此帶濁水本熱乘太陽經其寒水不能甚固故如此也夫水自高而趨下宜先竭其上源乃濁痰二三升次日復下汚水十餘行至三遍汗出周身明旦病人云汚水已不下矣改用寒涼之劑清滌子宮服及半載後產一男

韓氏曰山妻年三十餘十八胎九殤七天會先君松潘難作賤兄弟皆西奔妻驚憂甚遂昏昏不省人事口唇舌皆瘡或至封喉下部虛脫白帶如注如此四十餘日或時少省欲自縊自悲不能堪醫投涼劑解其上熱則下部帶疾愈甚或投熱劑及湯藥重蒸下部則上熱昏暈欲絕四弟脉之始知為二陽證也大哭曰宗嗣未立幾誤殺吾嫂急以鹽煮大附子九錢為君製以薄荷汁佐以姜炭麥冬五味之屬水煎入井水冷與之未盡劑即射量熟睡通宵覺即能識人時止一嗣子二女相抱痛哭疎感皆悲執友趙憲長驚曰君何術也弟曰方書有之直對真假對假耳外乃假熱故以假冷之藥從之內有真冷故以真熱之藥反之斯外內和而病解矣繼以女金丹錯綜變化不但去其疾且調元氣庚子生一子今腹囊也女金丹即勝金丹方見種子門

腹痛扁脹愈。又用行氣之劑，胸膈不利，肢體愈麻，此乃鬱怒傷肝，脾血燥，挾熱不能經攝，澤氣脉故軟濡，弦數也。朝用歸脾湯，解脾鬱，生脾氣，夕用加味逍遙散，生肝血，清肝火，百餘劑而帶下諸證始愈。一婦人久癯，患帶，發熱，口渴，渴體，飲食少，用七味白朮散，加麥冬、五味，大劑煎服，思飲，瘧發，稍可，渴亦大減，又用補中益氣湯，加茯苓、半夏，而帶與癯瘵悉瘳。

一婦人眩暈吐痰，胸滿氣喘，得食稍緩，苦於白帶，溢益已二十餘年矣。諸藥不應，脉滑而軟，此氣虛挾痰飲也。痰飲去而帶自愈矣。遂朝用六君子湯，夕用六味地黃丸，不一月而帶下諸證悉瘳。

一婦人胸痞內熱，口乾耳鳴，喉中若有一核，吞吐不利，月經不調，帶下淫溢不止，六脉軟濡微數，此肝脾鬱結，痰熱不化而流注也。余以歸脾湯加半夏、山梔、升麻、柴胡、胡開，以四七湯下白丸子而愈。

一婦人吞酸飽滿，食少便泄，月經不調，服清氣化痰丸，兩膝漸腫，寒熱往來，帶下黃白不止，苔黃體倦，脉滑而軟，此脾胃兩虛，濕熱下注，用補中益氣湯，倍參朮，加半夏、茯苓、炮姜而愈。

一婦人帶下赤白，四肢無力，余診之曰：四肢者土也，脉軟而滑，此脾胃虛弱，濕熱下注也。以補中益氣濟生歸脾二湯，並加白芍生地，不一月而帶愈，身康矣。

一婦人帶下赤白，怒則胸膈不利，飲食少，思或用消導理氣之劑，痰喘胸滿，大便下血，脉濡緩，大余曰：脾氣虧損，挾濕熱而不能攝血歸經，故二陰俱有所下也。先用補中益氣湯，加炮姜、白芍、茯苓、半夏，化其濕熱，以安營氣，隨用八珍湯，加柴胡、山梔，而諸證悉瘳矣。

### 白濁

一婦人性急善怒，小腹時常痞悶，小便瀉，癯弱，下白物，淫溢甚，不白帶，或面青口苦，寒熱往來，脉得弦洪。

瀉大余以為精憤不發濕熱傷陰而致先用龍胆瀉肝湯三服而小便清利瀉煩頓改加味逍遙  
四劑而寒熱亦解補以八珍湯加知柏數劑而康復如常

內外冷熱門

一婦人食少嘔涎面黃腹痛手足逆冷月經不行六脉沉細此內外俱冷陽虛不能鼓運其經血也六君  
子湯加桂附姜朮數劑而經行痛止丸服而連生子如

一婦人煩渴豆熱暴嘔酸水飲食不進面赤帶青六脉沉數此鬱怒傷肝火逆乘胃為內外俱熱之證黃  
連一兩淡姜汁略拌水煎濃汁細呷以解內外積熱嗣後漸加白朮當歸陳皮炙草以調血氣以養胃  
氣漸進稀粥軟飲改用加味逍遙散十劑全安

冷熱內外真假門

一婦口乾煩渴異氣惡寒大便秘結手足逆冷六脉沉數此內真熱而外假寒也先用黃連解毒湯熱服  
取汗後用六味丸而全愈

一婦初患痰喘熱渴醫以降火散氣治之肌日削而氣日索延至甲辰木旺痰盛身熱口腐腹脹神昏絕  
食幾死此虛熱無大內有真寒投以壯火生土之劑隨服隨效越數歲夏初坐則頭暈不能起視則則  
背冷覺風透體有時煩熱眩暈效嘔痰湧手足厥冷六脉沉伏此內真寒外假熱遂以姜附大補之劑  
投之不一三四日而大勢已平仍以前藥加減而愈

潮熱門

一婦人月經不調飲食少思日晡潮熱脉濡虛數此肝脾兩虧氣血俱虛也用十全大補湯加山萸山藥  
丹皮麥冬五味以補斂虛陽二十餘劑而霍然

一婦人生育多胎月經不調兩足發熱年餘其身亦漸潮熱勞動則足跟痠痛又年餘唇腫痛裂又半年裂唇出血倦怠食少經停不行脉濡弦數此氣血兩虛燥熱相乘肝腎之證彼誤服通經丸遂其不起一婦人足跟熱痛脉數虛軟此足三陰虛聖愈湯三十餘劑而安後發遍身瘙癢服氣鬱反潮熱橫痃脉數弦洪此血虛技熱生風而肝病也以天竺黃牛胆星為丸四物同冬五味冬連冬草山梔柴胡煎湯送下三四服遂愈

一婦素甘清苦勤於女工感冒風邪自用發散之劑反朝寒暮熱熱多寒少其脉或浮洪或弦細面色青白或萎黃此風邪雖去而氣血傷殘也用十全大補湯三十餘劑漸愈又用加味道遙散調治半年而康

一婦人乾效無疾遇夜潮熱自汗盜汗倦怠面黃總停食少脉軟弦數此血氣大虛而心胆鬱結也先服劫勞散改用歸脾湯調治年餘漸安

### 積聚門

一婦人小腹痞脹小便淋瀝時有白帶脉數洪瀦此肝經濕熱下注也投之龍胆瀉肝湯四劑而痞脹退小便清改用加味道遙散或加生地或加青皮調治三月而安

一婦人善怒多鬱小腹痛脹小水不利或胸乳疼痛脇痞滿脉濡弦滑此肝氣鬱而肝血不調也投以四物湯加柴胡青皮枳殼延胡而痛自止痞自消改用道遙散加木香香附漸安

一婦人小腹痞脹內熱晡熱小水不利體瘦食少脉洪軟瀦此氣血兩虛濕熱鬱於肝經也八珍湯加柴胡山梔龍胆車前調理三月而安

一婦人年三十餘內熱作渴飲食少思腹內初如雞卵漸大四寸許經水三月一至肢體消瘦甚痛似倉

脉洪數而虛左關微滿此肝脾鬱結氣血虛而不能統運成積也外貼何魏膏于前用補中益氣湯午後用加味歸脾湯兩月許肝火稍退脾土漸健于前用補中益氣湯下六味丸午後用逍遙散下歸脾丸又月餘日用蘆薈丸二服朝以逍遙散送下日晡以歸脾湯下喜其謹疾調理半年而愈

一婦人腹內一塊不時上攻或作痛有聲或吞酸痞滿月經不調小便不利已二年餘矣面色青黃脉數狂瀉此肝脾氣滯過熱不化而隨熱冲逆也以六君湯加芎歸柴胡炒連木香炒茱二劑却與歸脾湯送下蘆薈丸三月餘肝脾和而諸證退又與補中益氣湯加茯苓丹皮中氣健而經亦調矣

一婦人多鬱善怒勤於女工小腹內結一塊或作痛或痞悶月經不調恪服伐肝之劑內熱寒熱胸膈不秒飲食不甘形體日瘦脉軟數狂瀉此脾土不能生肺金肺金不能生腎水腎水不能生肝不當滋培化源用補中益氣湯六味丸分朝暮兼進年餘而諸證悉痊

一婦人經候過期發熱倦怠或用四物黃連之類反兩月一度且少而成塊又用峻藥通之兩目如帛所蔽腹中痞悶脉軟微瀉許新甫曰脾為諸陰之首目為血脉之宗腹為血氣之都會脾之所主也蓋脾一受傷則五藏皆為失所不能統運於腹而上奉於目也隨以補中益氣濟生歸脾二湯專主脾胃年餘而康復如常

松江太守何恭人性善怒腹結一塊年餘上歸蝕積血氣極虛時季冬肝脉洪數按之弦緊此至虛有盛候即是假脉醫者不能細察反用伐肝木清胃火之劑病不稍退姜頤轉增余用八珍湯以生血氣地黃丸以滋腎水肝脉靖平證勢亦退後因大怒耳內出血肝脉仍大煩熱乾渴此無根之火不能歸源而迫血也仍以前藥加肉桂二劑脉軟熱退血亦隨止復因暴怒厥脫於季秋辛巳乃金尅木也

余遇一卒說拙妻為室女時心下有冷積如覆杯按之作水聲以熱手熨之如冰聚來已十五年矣恐斷

我嗣急欲棄之。余止之曰：如用吾藥，病可除，卒可得卒從之。診其脉沉而遲，尺脉洪大而有方，非無子之候也。可不逾年而孕。卒笑曰：姑試之。先以三聖散吐涎一斗，心下平軟。次服白朮調中湯五苓散，後以四物湯加木香、香附調和經脉，不再月而血氣合度。數月餘而連孕二子皆育。三聖散用防風、白芷、藜蘆各三兩，鹽一

兩為散，以薑汁煎服。探吐白朮、調中湯、白朮、茯苓、橘、紅澤瀉各半兩。甘草一兩。干姜、官桂、砂仁、丁香各二錢。半為末，滾湯煎三錢，去渣溫服。

陽夏張圭，薄之妻，病肥氣。初如酒杯大，發寒熱十五年餘，夜減夜增，治無一效。後因大怒，氣逆病勢益甚。惟心下三指許無病，滿腹如石片不能坐，乃邀余診之。曰：此肥氣也。得之季夏戊巳日，左脇下如覆杯，久不愈，令人發痲瘧。瓜蒂散吐之，出魚腥黃涎約一二甕。至夜用舟車丸通經散，五更下黃涎膿水相

串五六行。凡有積處皆覺痠痛，乃用白朮散當歸散和血流經之藥，如此湧泄，凡三晝夜而平。調理半年餘而健旺如常。瓜蒂散舟車丸見雜病。湯食痰飲。通經散用橘紅當歸。甘遂細包。煨在散。不令焦。等分為末。每服三錢。酒調下。白朮散白朮黃芩當歸各等分。水煎。飲調食前服。此吐下兼施之劑。且甘遂等功。逐太峻。審之。

一婦人血氣刺痛，聚散無常，痛時極不可忍，甚則死。一二日方省醫，屢治數年不愈。余投黃白散烏梅丸遂安。

一婦人血氣作楚，如一小盤，樣走注痛甚，僅一人扶定，方少止。亦用此二藥而愈。

種子門  
一婦人年三十四，夢與鬼交，驚恐異常。及見神堂陰司舟楫橋梁，如此一十五年，竟不懷孕。巫祈理禱無所不至，鑽肌炙肉，孔穴經干，黃瘦發熱，中滿足腫，委命於天。一日苦請余診之，曰：陽火感於上，陰水感於下。見鬼神者，陰之靈；神堂者，陰之所。舟楫橋梁水之變。兩手寸脉皆沉而伏，知胸中虛寒也。凡三湯

三泄三汗，不旬日而無夢，年餘而有娠矣。



一 女月經來時專在下弦之期間其色紫知為血熱服涼血藥以緩之則血氣和而經來漸淨按至初頭色淡短少服養血和血以滋血室俟經色純正便可靜候生育矣明年出胎不年餘而果生一子

一 婦人體肥太過子宮脂膜長滿經水雖調亦不能有子投以消脂膜開子宮藥二三十劑明年果生子浮腫明

一 婦人年三十餘經水斷絕月餘漸漸周身浮腫脉緩數滯滯此血化為水椒仁丸作湯三服而經水先通再服而腫全消矣

一 婦人年四十小水先不利漸漸喘滿浮腫以後經水斷絕不來脉沉滯尋按俱滑此水壅阻經宜專治水葶蘆丸三下而腫全消丸服桑白皮散而經行如常度矣

前陰諸疾門

一 婦人年二十餘內熱煩渴倦怠食少陰中悶痒小水赤澀脉沉弦數此鬱怒傷損肝脾濕熱乘虛下注加味逍遙散調治一月而安

一 婦人年三十餘陰內痛甚作痒時常出水食少體倦脉軟濡數此肝脾氣虛濕火下注用歸脾湯加生白芍牡丹皮黑山梔生甘草四劑而病減久服而全安

一 婦人年四十二陰內痒痛異常內熱倦怠飲食少思脉軟弦數此鬱怒傷損肝脾元氣下陷濕熱留戀陰中宜用參耑歸木陳皮柴胡炒山梔車前子升麻白芍丹皮茯苓十劑漸減久服而全安

一 婦人陰中突出如菌四圍腫痛小便頻數內熱晡熱似痒似痛小腹重墜脉軟濡數此肝脾虧損濕熱鬱結而腫痛似痒元氣下陷而小腹重墜也先以補中益氣湯加山梔茯苓車前子青皮以清肝火升脾胃氣更以加味歸脾湯調治脾胃外以生豬油和藜蘆末塗之而收腫熱痛痒悉除矣

一婦人年四十。勞倦後。陰中挺出五寸許。悶痛重墜。水出淋漓。小便澀滯。脉軟洪滿。又與龍胆瀉肝湯分利濕熱。朝用補中益氣湯。升補脾氣。諸證悉愈。惟陰挺未收。再與歸脾湯。加川芎。山柘。黃柏。牡蠣煎服。外以葱白歸全。紅花煎湯。重洗。搽上安臥。然後服藥數劑。後每次如此。不復下脫矣。

一婦人陰中寒冷。小便黃澀。內熱。補熱。口苦。腸膨。脉數洪滿。此肝經濕熱。致蘊濕鬱之極。而反冷也。用龍膽瀉肝湯。姜汁拌蒸。以解其直熱。假冷。更以加味道遙散。加姜汁炒龍胆二十餘劑。而陰中漸煖矣。

一婦人陰中冰冷。寒熱嘔吐。兩股腫痛。脉沉洪弦。是怒動肝經。濕熱下注為患。先用小柴胡。加山柘一劑。寒熱嘔吐頓止。次用龍胆瀉肝湯。亦用姜汁拌蒸。數劑。而腫痛全消。陰中亦不復冰冷矣。

一婦人陰中寒冷。小便澄清。腹中亦冷。飲食少思。大便不寔。脉沉數細滿。此下元虛冷。火土不生也。治以八味丸。飲食漸進。大便漸寔。一月餘。而諸證皆退。健旺如常矣。

一女子年二十四。交接後。輒出血不止。脉軟虛數。此肝之相火。傷犯脾胃之元。不能吸血歸藏。故精泄後。血亦隨之溢出也。當以補陰益氣煎。審元常服。加之節欲。靜攝。尋年無不自愈。

一男子交接後。頭痛脉象細數。此根氣未固。虛陽不攝。當投補中益氣湯。加附子肉桂白芍藥。常服自愈。  
補陰益氣湯 人參兩半 黃耆三兩 山藥三兩 阿膠三兩  
白芍兩半 炙甘草五錢 熟地五兩 升麻錢半 柴胡三錢

### 胎前門

一婦人年二十七。月經不行。已三月矣。或疑經閉。命予脉之。脉數沖和。尺部滑疾。謂非輕病。乃妊子也。令服芎歸湯。腹中微動。為有孕。越數月後。果產一子。

一婦人領一女子來診。脉數微猛。舉按似有沖和之象。謂其天癸不來。必一月有餘矣。彼應之曰。然。自經淨至今。恰三十二日也。余令即服烏雌雞湯。二月時服紫蘇湯。三月服黃雌雞湯。保其成孕。勿使消散。

四月時服菊花湯五月服阿膠湯六月服麥門冬湯七月服葱白湯護其胎元勿使下墮八月時服芍藥湯九月服安胎飲十月服艾葉子湯養其血氣使之順產後果生一男神旺氣充而易育也

### 惡阻門

一娠婦二三月間惡心嘔吐氣逆痰多胸滿食少脉滯數滑此胎壅痰滯邪過膚浮與陳皮半夏湯一吸而安

一孕婦三四月間頭目眩暈嘔吐痰涎惡聞食氣嗜好酸鹹多臥少起肢體煩疼脉虛浮滑此氣血虛而痰飲不化也與半夏茯苓湯三吸而諸證皆退飲食亦進而神氣健旺如常

一婦人妊娠煩心眩暈嘔涎沫或時胸滿惡食或時心嘈易飢脉數弦滑此胎氣上壅痰熱隨之升降與青竹茹湯三吸而病如失

一婦懷孕氣逆嘔吐煩熱心嘈脉滯沉數此胎熱氣逆胃火上冲也與蘆根汁湯一吸而安再劑而病不復作後以加味道遙散去丹加地或倍木加連直至胎成順產無病勿藥

### 胎動門

一孕婦心煩口燥胎動不安飲食少進倦怠乏力脉數弦虛此血虛挾熱而胎失所養也今服安胎飲加生地白芍三劑而稍減繼以全鹿當歸散加生地牡蠣四劑而全安切戒登高舉重庶免墮胎之患

一孕婦勞過度衝任有傷胎失所養而胎動不安脉數弦細今服膠艾八珍湯數劑稍減丸服而全安

### 胎漏門

一婦人懷孕四五個月經血忽下腰腹疼痛脉數虛弦此肝經風熱血燥不能榮養其胎而經血滲漏也今服加味道遙散去丹皮加生地杜仲血餘炭數服而安

一孕婦房勞太過衝任脈傷經血漏泄故胎動下血熱不可過脈軟瀯數重按無神。今急服補陰血氣煎加血餘炭赤石脂炒黑荷葉灰捺灰數服血止胎安。九服而胎成順產矣。

子煩子躁明

一婦人素奉膏粱縱恣酗酒。懷娠至五六月。心煩肉跳不寧。脈數洪大。此胃大乘心濕熱浸淫於肌肉也。先服竹葉石膏湯三劑而煩熱退。後以加味黑逍遙散去丹皮加麥冬牡蠣數劑而心煩肉跳全安矣。一孕婦房勞太過心腎失養。一日朝餽後忽躓擾不寧。終宵不寐。獨言獨語。若有神靈所附。脈之虛浮急疾。重按少神。急以知柏地黃湯去丹皮澤瀉加人參五味麥冬數劑而神志寧。語言靜。九服而胎成順產矣。

脹滿明

一娠婦飲食停滯。心腹脹滿。或用人參養胃湯加青皮枳殼山查。其脹益甚。其胎上攻。惡心不食。右關脈浮大。按之則弦。此脾土受傷。肝木抑鬱而相乘也。用六君子湯加柴胡升麻而愈。後小腹痞滿。用補中益氣湯升舉脾氣而瘥。

一娠婦腹脹吐逆。小便不利。諸醫雜進溫胃寬氣等藥。服之反吐轉加脹滿。湊心驗之胎死已久。服下死胎藥不能通。因得鯉魚湯三五服。大小便皆下。惡水由是腫消脹去。方得分娩死胎。此證蓋因懷妊腹大不自知覺。人人皆謂妊孕如此。終不知胎水之為患也。

一婦人傷胎腹滿。不得小便。從腰以上重。如有水氣狀。七月太陰當養不養。此心氣寒。當刺營宮闕。元小便利。下死胎而愈。

一婦人累日難產。遍服催生藥不下。予曰。此必坐草太早。心懷畏懼。氣結不行。非不順也。素問曰。恐則氣下。

蓋忍則積却却則上焦閉則氣還還則下焦脹氣不行矣投以本事方一服胎下而愈  
一婦人有孕七八個月遠歸忽然胎上衝心而痛坐臥不安兩醫治之無效遂說胎已死也用異麻子研  
爛和射香貼臍中以下之命在垂亡召陳方甫診視兩尺脉絕他脉平和陳問二醫作何證治之答曰  
死胎也陳曰何以知之曰兩尺脉沉絕以此知之陳曰此說出於何經二醫無答陳曰此子懸也若是  
胎死却有辨處面赤舌青口中和潤子死母活面青舌赤口中吐沫母死子活唇口俱青子母俱死今  
面不赤舌不青其子未死是胎上逼心心氣不降故兩尺脉絕也宜以紫蘇飲治之投至十劑尺脉起  
而胎安順下矣

### 心痛門

一婦妊娠心痛煩熱作渴脉數虛益用白朮散即愈後因停食其痛仍作胸腹脹滿按之愈痛此因飲食  
停滯用人參養胃湯按之不痛乃停滯已化脾胃受傷也六君子湯調補而痛脹全廖矣

一婦素有心疼受孕之後不時舉發諸醫雜治罔效延至四月適小腸經脉養胎其痛牽臍勢不可忍  
命予脉之弦細而緊此手太陽受邪即女子之山也投以大龍散三啜而痛如失

### 腹痛門

一婦受孕之後時常腹痛延至四五個月其痛尤其其舉發屢嘗時予脉之脉虛弦數微滿此血虛氣  
滯不能運化以養胎也投以香砂四物湯三劑而痛減後以黑逍遙散加木香香附四劑而全安

一婦妊娠六七個月忽然腹痛其胎近下欲墮予脉之軟大而滿此衝任血氣大虛不能承載其胎也  
投以補中益氣湯加熟地當歸數劑而胎安痛減後以八珍湯加木香香附服一月而全安

### 心腹痛門

一妊婦心腹作痛吐痰食少胎氣上攻多子脈之虛滑茲滯此脾虛氣滯不能運化而生痰也投以六君子湯加柴胡枳殼而痛退食進又用四君子湯加枳殼山梔桔梗而安後因怒氣兩脇作脹中脘疼痛復兼惡寒嘔吐仍以六君子湯加柴胡升麻木香一劑而退加當歸白芍四劑霍然

一妊婦心腹作痛胸脇膨脹兼吞酸不食此肝脾氣滯而不能運化也脈弦滯微數投以二陳湯加山查山梔青皮木香而愈又後因怒氣而痛復作胎動不食面色青黃肝脈弦緊脾脈弦長此肝木乘土用六君子湯加升麻柴胡木香而愈

### 腰背痛門

一娠婦頸項強直腰背作痛脈象弦滑此膀胱經受邪宜從太陽經治用拔萃羌活湯一劑而痛減改用獨活寄生湯二劑而全瘳後以八珍湯加秦元杜仲調補而胎安產順矣

一婦人懷妊八月腰痛不能轉側大便燥結醫用人參等補劑痛勢益加用硝黃通利導燥結雖行而痛勢如故遂汪石山診之脈稍洪近駛曰此血熱血滯也投以四物湯加木香乳香黃柏麻仁煎服四五劑痛勢減而燥結潤復加發熱面赤或時惡寒此熱化滯行乃從外泄也仍以前方去乳香黃柏加柴胡黃芩二劑而寒熱除又背心覺寒腹痛復作汪診脈已平和近軟此熱滯去而元氣虛不能外衛以守中也於前方去黃芩加人參三劑而諸證悉退胎至全安

### 小腹痛門

一婦人妊娠以後常患小腹痛脈數虛弦重按細滿此肝脾血虛風寒外搏痛甚亦能墮胎亟以逍遙散加川棟子小茴香數劑而痛退胎至全安

一婦人懷孕小腹痛其胎不安氣攻左右或時逆上小便不利脈數沉弦此肝火鬱滯肝氣不能發越

也。投小柴胡湯加青皮山柅清肝大化肝氣而愈。後因暴怒氣逆小腹脹滿。小便不利水道重墜胎仍不安。此亦肝木盛而肝火熾用龍胆瀉肝湯。一劑脹退痛安。水道便利。乃以四君子湯加升麻柴胡培土升陽而胎順全安矣。

子腫子氣門

一婦妊娠自三月成胎之後兩足脚面浮腫以及腿膝漸至周身喘急滿悶行步艱辛脉虛弦滑此為子腫投全生白朮散數服而腫退食進繼以千金鯉魚湯紫蘇飲間服一月而胎孕全安。

一娠婦四五個月後過身浮腫飲食如常脉緩沉濡謂之子氣投天仙藤散四服而腫勢頓減改以四君子湯加木香蘇梗日漸調理至彌月進紫蘇飲三服當晚分娩而腫勢全消矣。

傷食門

一妊婦人因停食服枳朮丸胸膈不利飲食益少更服消導寬胸之劑其胎下墜小腹重滯余診脉軟弦滑此脾氣傷而不能承載其胎也先用補中益氣湯四劑升舉其胎後以六君子湯調其中氣俾飲食如常改用八珍湯補其氣血而胎孕全安。

一婦妊娠之後飲食不節脾胃不調時常腹痛泄瀉即以六君子湯調其中氣改用八珍湯數服而安。

傷寒門

一娠婦寒熱頭疼惡寒身痛脉數弦滯此寒邪外感營氣被遏而清陽不伸也投以芷香蘇飲一汗而寒熱頓解反痛亦退惟胎動不安飲食少進投以紫蘇飲三劑而胎安食進健旺如常矣。

一娠婦傷寒汗出後惡寒已罷潮熱不解脉數弦濡投以黃龍湯三劑而身熱頓解後以加味道遙散去丹皮加地骨皮而康復如常矣。

中風門

一婦妊娠六七個月。一日清晨。昏仆移時。甦醒。語言謇。手足搐搦。不巳。脈象弦數。此木旺風淫。熱乘於心之候也。先以羚羊角散三劑。而神志清。語言靜。惟搐搦未定。小水頻數。更以加味黑逍遙散。去丹皮。加池菊水煎。去渣。沖竹瀝姜汁數匙服。

丹溪治一婦人。懷孕六個月。忽然癩發。手揚足擲。面色紫黑。合眼則口角流涎。昏仆不省人事。平時而麤醫。與震靈丹五十餘服。其疾時作時止。毫無減證。直至臨產時。方且愈。產一女。屢中子母皆安。次年其夫疑其毒必發。求治之。診其脈浮取弦重取濡。按至骨則沉。冥數。滯此風大內鬱而生疾也。時當二月間。因未見癩發證狀。未敢與藥。音其後歲發癩。時在五月。欲靜待其時。料此疾必復作。當審登施治。至五月中。其疾果作。皆在巳午兩時。遂教以自製防風通聖散。用甘草多加桃仁。少加紅花。或服或嘔。至四五十劑。湧出涎痰斗餘。疾漸疎而輕。後齊身發瘡而愈。

一婦人懷孕之後。欲語無聲。遂至不語。舉家驚惶。邀予診之。曰。此名子瘖。非病也。不須治之。黃帝問曰。人有重身九月而瘖何也。岐伯對曰。胞之絡脈絕也。帝曰。何以言之。岐伯曰。胞絡者。繫其時。少陰之脈貫腎繫舌本。故不能言。帝曰。治之奈何。岐伯曰。無治也。當十月復。

效嗽門

一娠婦效嗽不已。效甚。則大便遺出不禁。脈之虛軟微數無神。此腎陰虧損。肺氣不足。不能收攝。而司開闔也。朝用補中益氣湯。加麥冬五味。以培土生金。夕用地黃湯。合生脈散。以收攝腎氣而安。

一娠婦久效不止。其痰上湧。日吐五六碗許。諸藥不應。脈虛數無神。此氣陰兩虧。不能收攝。和水而水泛為痰也。朝用地黃湯。夕用四君子湯。更迭調治。數服稍減。一月全安。



一孕婦因怒咳嗽嘔吐痰涎兩脇作痛脉沉弦數此肝火侮金肺失清肅也全福化湯加於羊角山菴生地調治三日而減後以潤肺抑肝半月而全安

喘急門

呂滄洲治經壁哈散侍人病喘不得臥眾作肺受風邪治之呂診之氣口盛於人迎一倍感陰弦動而疾兩尺俱短而離經因苦之曰病蓋得之毒葯動血致胎死不下奔迫而上衝非風寒作喘也乃用催生湯加芎歸煮二三升服之夜半果下一死胎喘即止哈散咨嗚曰病妄誠有懷以望人見嫉故藥去之眾所不知也衆慚而去

一婦娠六個月愴怒氣逆喘急不寧已數日矣脉弦而疾以全福花湯加抑肝順氣之藥三服而安臥如常

吐血衄血瘀血門

一婦妊娠三四個月每晨吐血升餘飲食如常脉數洪大此胎熱傷陰胃火迫血也投以犀角地黃湯加黃芩石羔去丹皮三劑而血止去石羔加阿膠知母數劑而全安

一婦妊娠六七個月傍午或午後必衄血如注起居不長飲食少減脉數弦瀉此肺家伏熱傷血分而上出於鼻也投以黃芩清肺餽四劑而血定後以加味黑逍遙去丹皮加桑皮黃芩參冬數服而衄不再作矣

一婦素有咳嗽懷孕至六個月後每致燥痰必帶鮮血脉數虛弦飲食減少此血虛挾熱肺金受剋而動血妄行也如不早治即種毒勞之根投以二地二冬二母湯加阿膠白芍三十餘劑直至分娩咳嗽雖未全定而血不復來矣

瘧疾門

一婦妊娠六七個月患瘧疾先寒後熱六脈浮數醫用柴胡桂枝無效予曰此非常山不愈眾守難之越數日後瘧勢甚難禁仍從予言投以七寶飲一服即瘥

一婦妊娠三四個月即患瘧疾先寒後熱多寒少脈數弦浮飲食減少投以黃龍湯四五劑而寒熱俱減改用逍遙散而飲食漸進數劑而瘧疾全瘳矣

霍亂門

一婦人妊娠四五個月忽然嘔吐泄瀉手足揮霍眼目攪亂脈數弦此此外感風寒挾暑濕而脾土不能勝受其邪也改用香蘇飲白朮砂仁厚朴藿香一劑頓止改用四君子湯加木香砂仁沖藿香露而全瘳

一娠婦上吐下瀉勢甚發厥水穀不得入口六脈已脫法在不治投以調中湯一劑吐止陽回脈起食進改用調中養營湯三劑而全安瀉亦止矣

調中湯用熟地四錢葛根錢半白芍錢半厚朴八分白朮錢半藿香三錢木香八分使苓三錢甘草五分

泄瀉門

進士王徵之內懷孕泄瀉惡食作嘔余診之脈象沖和右關微滿此飲食不節脾胃滯氣不化不能分沁清濁也其夫憂之強進米飯余謂飲亦尚能滯氣先以砂仁藿香煎汁飲之使宿滯化則脾胃和自能進食而嘔瀉無恙後果不藥而痊

一婦懷娠泄瀉六脈弦虛此脾土虛而不能勝其運化也投以四君子湯加山藥扁豆白芍木香數劑而泄瀉頓止胎亦全安

痢疾門

故成甫之內懷娠久痢自用消積理氣之劑腹內重墜胎氣不安又用阿膠艾葉之類不應全愈診脈軟微數此氣血兩虛清陽下陷而不能承載其胎故腹中重墜胎動不安也遂用補中益氣湯加白芍木香而胎漸安痢漸稀改用香砂異功散加黃歸白芍而痢下全瘳矣

湯總兵夫人懷娠病痢不止壺仙翁診之其脈虛而滑兩關獨澀此血氣不足相火炎灼而有似于熱痢寔非痢也乃用黃芩白芍以安胎四物湯煖生地黃以養血數劑遂安

### 大小便不通

亞卿李浦汀側室妊娠大小便不利或用降火理氣之劑元氣反虛轉加脹悶肝脈弦急脾脈遲滯視其面色青黃不澤余曰此鬱怒傷陰肝脾之氣不能輸化乃大虛證也遂以歸脾湯加山柅木香而大便先通改用加味道遙散去丹皮加生地數劑而二便通利胎亦全安

主政王天成之室妊娠痢疾愈後二便不通其家世醫自用清熱之劑未效余症其脈浮大而澀此血氣兩虛津液無以下潤也朝用八珍湯加麻仁杏仁夕用加味道遙散去丹皮加車前子數劑而二便通利胎亦全安

### 小便不通

吳宅寵人胎墜膀胱胞系了戾小便不通丹溪症其脈兩手似澀重取則弦曰此得之憂患所致夫澀為血少氣多弦則為結有飲益血少則胞弱而不能自舉有飲則氣溢而不能承載故胎元下墜而膀胱失職也遂以四物湯加參朮半夏陳皮生薑空心煎飲以指探喉中吐出藥汁少頃氣定又與一貼次日亦然如是八貼而胎自還復小便通利如常

一婦人四十一歲懷孕九個月轉胞小便不出已三日矣下急脚腫不堪存活來告急余往視之見其

形瘁脉之右濡而左稍和。此飽食而氣傷胎。系弱不能自舉而下墜。候着膀胱偏在一邊。氣為所閉。故水竅不利。小便不通也。遂以人參歸身白芍白朮半夏冬草生薑煎濃汁。與四貼。任其叫喚。至次朝。又與四貼。藥渣併作一貼。煎令頓服之。探喉令其吐出。皆黑水。小便立通。後就此方加大腹絨枳殼芫荽青砂仁與二十貼。以防產後之虛。果得就每平安產後亦健。

一婦人妊娠七八個月。患小便不通。諸醫不能利轉。加急服診其脉細弱。意其血氣虛弱。不能承載其胎。胎重墜下。墜在膀胱下口。因此溺不得出。用補藥升扶。則胎起而小便自下。若藥力未至。愈如急滿。當令老練穩婆用香油塗手。自產門入內。托起其胎。則溺出如注。而脹急無不自解。一面卻以人參黃耆升麻大劑煎服。如或稍有急滿。仍當手托取溺。如此三七日後。則元氣漸完。而胎氣漸舉。小便無不如此常。

一司徒李杏岡仲子室。孕五個月。小便不利。諸藥不應。余診六脉細數。曰非八味丸不能効。不信。仍用分劑之藥。遂肚腹腫脹。喘急不臥。以致不救。

儒者王文遠室。重身患小便不通。小腹腫脹。喘急不能安臥者。已三日。幾至於危。六脉細數。重按無神。用八味丸一服。小便滴瀝。再以前丸加車前子一劑。即利。肚腹頓寬。而產順全安矣。

一婦人妊娠飲食如故。煩熱而倚息不得臥。此名轉胞。不得溺以胞系了戾。致此。但當利小便。則愈。腎氣丸去丹皮牛膝王之。

腎氣丸即八味丸加車前子泄牛膝

### 淋瀝門

一婦人妊娠六七個月。溺出滯痛。淋瀝不斷。脉帶沉數。此濕熱積於膀胱。氣不施化。而溺澀不利也。先投五淋散。服三劑。而滯痛稍減。又以導赤散加麥冬山梔黃芩。知母數服。而小便清利。後用加味黑導送散。

去丹皮加麥冬知母調理一月而精神倍加。

一孕婦患淋血赤瀉痛脉數沉瀯此熱結水府傷血室而阻塞溺數也先投加味木通湯利其溺數而瀯痛減又以知柏地黄湯去丹皮加山梔麥冬數服而血自止後以八珍湯加麥冬知柏調理一月而全安遺溺門

一娠婦遺溺內熱煩燥肝脉洪數按之瀯弱或兩太陽疼或兩脇肋脹余以為血虛肝火不能攝水而自遺也投加味道遙散去丹皮加醋炒龍胆草又以六味丸料去丹皮加麥冬五味尋愈後因恙怒或寒熱或身熱不惡寒前證仍作更以味道散八珍湯兼清肝火養肝血更迭調治而安

一孕婦房室不慎忽然小便遺出不禁脉數虛軟此腎虛膀胱之氣不能收攝而遺溺也投以六味丸料去丹皮澤瀉合生脉散加金櫻子覆盆子數服而安

### 溺血門

一婦妊娠因怒溺血煩熱食少胸乳間作脹脉在洪瀯此血虛挾肝火而血動也投加味道遙散去丹皮六味地黄丸去丹皮澤瀉兼服蘄愈又用八珍湯加柴梔麥冬知母而全安

一孕婦毒嗜膏粱性耽醪酒積熱陽明有傷血室而溺血不止也脉數洪瀯先投清胃散去丹皮加白芍知母三劑而血減又以生地黃丸數劑而全愈後以加味黑道遙散去丹皮加麥冬知母而臨蓐平安產後亦健

### 眼目門

一婦將臨月忽然兩目失明不見燈火頭痛眩暈項腮腫滿不能轉頸諸治不瘳反加危困偶得消風散服之病減七分復安分經其眼吊起一邊人物不能辨識乃以四物湯加荆芥防風兼投眼科天門冬

飲子。二方間服。日漸稍明。須忌酒麪煎炙雞羊鵝鴨豆腐辛辣熱物。并禁房室過勞。此證因懷孕之後。多用爐火。衣著太煖。致伏熱在內。而生病也。

### 臟燥悲傷門

一婦人妊娠。忽然無故悲泣不止。或謂之有祟。祈禳請禱。備至終不應。予憶金匱有云。婦人臧燥悲傷。欲哭。象如神靈所附。宜甘麥飲。今煎急服而安。

一婦人妊娠。無故悲傷欲哭。與甘麥大棗飲二劑。而愈。後復患。又用前湯。佐以四君子湯。加山柰而安。

一娠婦悲哀煩躁。其夫詢之。曰。我無故。但自欲哭耳。脉虛數微瀼。此氣血兩虛。虛陽內鬱。而神志不伸。故欲哭。宜淡竹茹湯。為玉佐。以八珍湯而安。

### 妊娠下胎門

大中丞許慎徵公。向令金壇時。夫人胎漏。醫治不止。公欲因其勢。遂下之。議於余。余令服佛手散。以為可安。即安。不可安。即下。順其自然而矣。既服。公憂疑不決。女科醫者檢方。以進。用牛膝一兩。乃令酒煎。服公遂信而服之。胎果下。余時有從母之戚。未及知。知而馳至。則聞盈庭皆桂枝射氣。蓋因胞衣不下。女醫又進香桂散矣。血遂暴下。如大河決。不可復止。急煎獨參湯。未成而卒。公哀傷痛恨無已。記之以為世戒。

### 防胎自墜

一賈氏婦人。懷娠至三個月左右。其胎必墜。丹溪診其脉。左手大而無力。重取則瀼。知其血少。不能養胎也。以其妙年。只補中氣。使血自滋榮。時當初夏。教以濃煎白朮湯。下黃芩末一錢。服四十貼。遂得保全。

### 而生一子

一婦年三十餘或二三月或三四月其胎必墮察其性情多怒怒則黑氣實脈象沉數此相火太盛不能生氣育胎反食氣傷精故也因令任經第二個月即煎黃芩白朮當歸甘草服至三個月盡得胎成而生一子。

一婦住經三月後尺脈或軟瀆或微弱知是子宮真氣不全故陽不施而陰不化精血雖凝終難成胎至產血塊或產血胞令服十全大補湯加附子紫石英五六十劑而果生一子。

一婦腹漸大如懷子狀至十月未易產藥愛其神困脈弱決非好胎難與之藥不數日果生白虫半桶蓋由此婦元氣太虛精血雖凝不能成胎而為腐穢蘊積之久反從濕化為熱濕熱生虫而似懷孕也其婦不及一月而死。

一婦形長瘦色黃白性燥急年三十餘常患瘡胎病已七八見矣往診其脈皆寸數無力兩尺雖沉不任尋按曰此胎墮太多氣血耗甚胎無滋養故頻墮耳雖是水涸而木枯土削而木倒也况三五個月正少陽大動之時加以性躁而急發動太感故胎多墮於此際也宜大補陰煎加黃柏黃芩前服仍以此藥研末密丸服半年則胎固而連生二子。

一孕婦病醫言胎防其墮錢仲陽診之脈偏弱曰娠者五藏傳養幸六旬乃更候且用當歸補之何必墮已而母子皆全。

一婦有胎四月墮下愈旬腹腫氣喘發熱面赤舌青口鼻俱瘡陳斗品診之脈洪盛曰胎未墮而赤口鼻瘡心火盛而液乾也舌青氣喘熱肝亦枯而胎死矣內外人皆曰胎墮已久復診色脈如前以蛇蛻煎湯下平胃散三錢加芒硝歸尾一倍服之須臾腹鳴如雷陣痛引腰痛甚則復下一死胎病亦尋愈。

一婦年近四十重氣素弱自去其胎五月內漸漸腹脹如臍至心前吐不能食用補不效程甫診之六

脈微弱但只叫脹死此乃損傷脾氣而脹與然急則治標以桃仁承氣加枳實厚朴倍硝黃煎服四分中吐其一次早仍脹急不通又服琥珀丸三錢至申時大便通而脹減但倦怠無力發熱口渴再用參耆歸芍香朮陳皮八劑而漸安

一汪錫妻三十五歲嚴產誤服打胎藥下血如崩旬餘腹痛一陣即行或時鼻衄諸藥不效汪應宿診六脈數而微猛乃厥陰之火泛逆迫血上下妄行投以四物湯換生地加阿膠石脂粉炒及炒黑山梔炒黑蒲黃一劑而減四劑而全愈矣

### 墮胎門

一婦妊娠五個月自服煎紅丸胎即墮腹中脹痛服破血藥蓋甚手按之愈痛脈數軟瀟薛曰此峻藥重傷脾胃不能運化濁血而然非有實滯也投以八珍湯加枳殼木香半夏乳沒二劑而痛止脹減數劑而全愈矣

史仲子室年甫二十因疫墮胎因致服清肺解表反加喘急不寐請薛診之脈軟數而濡曰此脾土大虛不能生肺金而濕伏不化藥重傷之故喘與補中益氣湯加茯苓半夏五味炮姜四劑漸減又與八珍湯加五味子及十全大補湯而全安

### 胎不長門

一婦妊娠六個月體倦怠面黃睛熱而胎不長因稍勞欲墜脈軟虛數此氣血虛而不能固護其胎也投八珍湯倍加參朮二十餘劑使脾胃健旺則血氣日足胎得所養而無不長矣

一娠婦因怒脇痛寒熱嘔吐胎至八個月而不長脈數弦軟而滑此肝脾鬱結邪遏不解血氣不能榮運

養胎也投以六君子湯加柴胡蘇山梔枳殼結梗而諸症悉愈胎亦漸長矣



欲產非期門

一婦妊娠甫經七個月似時欲生產而胎未下。余診脈數虛瀉。此血虛熱迫胎不能安也。法當涼血安胎。投知柏四物湯加人參甘草三十餘劑而胎漸安。後以八珍湯加知母山梔又三十餘劑則胎孕足月而產亦順矣。

一婦妊娠十個月有餘。夫疑其胎有異。請余診之。脈微數不滑。此血液虛而氣滯也。法當補血行氣。投四物湯去白芍加香附木香砂仁枳殼而胎微動。產甚順利也。

一婦妊娠八個月胎欲墜似產臥久不能安。日晡益甚。此血氣虛竭不能固護其胎。脈弱無神。先投補中益氣湯加白芍以挽其下趨之勢。數劑則胎漸安。遂以八珍湯加續斷杜仲三餘劑則胎孕足月而產亦順利矣。

鬼胎門

一婦年三十餘。斷經八九個月。肚腹日漸脹大。面色或青黃。服胎症藥不應。余診之。脈滑而青。往來寒熱。病在肝胆。面黃腹大。困倦拒食。病在脾胃。此非正胎。乃鬱結傷肝脾。而胆胃氣化不清。鬼胎得以乘之。名曰鬼胎。余以歸脾道遠二湯合煎。下斬鬼丹三錢。下污血濁水甚多。內有一胞。胞內血塊酷肖鬼臉。故筆之以誌異云。

難產門

苗州王美人懷子而不乳。名淳于意診之。脈滑疾不弱。投以良湯藥一服。酒下之。胎立產。復症脈躁。疾此病氣有餘非虛也。即飲以硝石一劑。遂下血如豆版而愈。

一婦難產。七日不下。且飲食甚少。伯仁診之。脈雖和平。尋按澀澁。令以涼粥一盃。搗楓葉煎服。調啖之。旋

即產或詰其故曰此婦飲食甚少未有穀氣不充而津液獨旺者且楓葉先生先落後生後落故作湯以引之也

一婦產七日而子不下百治不效龐安常診之脉滑疾令其家人以熱湯熨其腰腹令著衣平臥為之拊摩胸腹上下孕者覺腸胃微痛呻吟生下一男其家驚喜而不知所以龐曰兒已出胞但一手誤執母腸不能脫非藥所能治吾隔腹捫兒手所在斂其虎口痛即縮手所以遂生取兒視之右手虎口斂痕存焉神乎其神矣

一婦難產三日不下服破血行經之藥俱罔效吳診之脉沉便秘為製一方車前子為君冬葵子為臣白芷枳殼為佐已服藥半即產帝醫異之吳曰毛詩採芣苢之義以阿產難是也

一府判女產不利已斂劉取紅花濃煎令扶女子登上以綿帛蘸湯膏之連連滾帛上以器盛湯又煖又淋久而甦醒遂生一男蓋遇嚴冬血冷凝滯不行血煖即產見亦神矣

一醫宿客店值店婦產數日不下下體已冷無藥其意脉遲緩又以椒桂姜棗煎濃湯可下手則和臍腹產門處皆淋洗之使氣煖血行遂產

### 交骨門

地官李孟卿娶三十五歲女為繼室屢難產索加味甘歸湯備用至期果產門不開只服一劑頓然分娩

上舍魯懷德之室產門不開兩日未生服加味甘歸湯隨獲而即產矣

一婦人分經素易至四十歲時妊娠臨產下血甚多產門乾澀不開投以加味甘歸湯加冬葵子三錢白蜜一杯一劑未下又以無憂散酌餘煎汁時飲之以助其津血而產即順矣

死胎門

一穩漢之女勤苦負重。妊娠之後。但覺腹中陰冷重墜。口中氣出甚穢。余意其胎之必死。診其脉不脫。視其舌青黑。此子死。母活之證。與朴硝半兩許服之。隨下污水腐胎。而漸安。更勿用他藥矣。

一婦胎死腹中。服朴硝而下穢水。神疲體疲。氣衰奄奄。脉亦軟甚。用四君子湯為主。佐以四物湯加姜桂。而死胎即下。更以八珍湯加姜桂調補。其婦日漸安康矣。

產後門

一家人婦胞衣不下。胸腹脹痛。手不可近。脉滯沉瀯。此瘀血入胞。胞滿為患。用溫酒下失笑散一劑。惡露胞衣並下而安。

一產婦胞衣不下。腹無痛脹。手接之滿腹和軟。脉亦軟弱微瀯。此氣虛不能推送其胞也。用保生無憂散一劑而下。惡露亦下而安。

一婦產後面赤口乾。五心煩熱。其血敗瘀入胞。故胞衣不下。脉數滯瀯。思但去其敗血。則胞衣自下。遂用黑豆炒透二合。并燒紅鉄稱錘一枚。同豆淬酒。沖熟童便一杯。調下益母丹二丸。胞衣從血而出。諸證悉平。

血暈門

一家人婦產後小腹作痛。急牙關緊。急不省人事。脉滯沉瀯。此瘀血沖心。灌以失笑散。良久而甦。又用四物湯換赤芍。加琥珀炮姜而愈。

一婦因產飲酒惡露甚多。血暈口出酒氣。脉數浮瀯。此血得酒熱而妄行。致血虛而心神失着。故亦發暈焉。以四物湯加葛花一劑。汗微出而瘥。

一新昌徐氏婦。病產後暴死。但胸前微熱。奉化陸敏診之。脉象沉滿。曰：此血不行而悶絕也。於理尚可救。治令以紅花數十觔。大鍋煮之。候湯沸。以長桶盛之。將病者寢其上。湯氣微復熱之。有頃。婦人指動。半日遂甦。

亞露門

一婦產後亞露不通。服峻厲之藥。亞露雖下。久而昏愴。以手護其腹。薛診之。脉細而滿。曰：此心脾素虛。反傷血氣。而肌膚疼痛也。以人參理中湯。加當歸肉桂數劑而安。

一婦產後月餘。亞露不絕。面黃食少。體倦神疲。薛診之。脉大而滿。曰：此因勞得之。脾氣大虛。不能攝血歸經也。遂以補中益氣歸脾二湯。俱加白芍。炮姜數劑。而血止。再加地黃服一月。而諸證全安矣。

血崩時

一產婦血崩。小腹痛脹。服破氣行血之劑。其崩如泉。湯四肢不收。亞寒嘔吐。大便泄瀉。勢頗危。脉滿而細。此脾胃虛寒。不能攝血歸原也。余投六君湯。加黑附炮姜白芍。熟地。血劑稍減。又以十全大補湯。黑附易肉桂。加炮姜三十餘劑。而諸證悉痊矣。

一產婦因怒血崩。其血如潮。湧至神氣昏沉。手足抽搐。脉數弦浮。按之不振。此肝經血耗。生風而不能藏血。歸經也。余以六味地黃丸一劑。諸證稍減。但食少嗜熱。又以四君湯。加柴胡歸芍丹皮。熟地數劑。而病悉全愈。

心痛門

一婦產後心痛。守憤口噤。冷汗不止。手足厥逆。六脉弦細。勢甚危急。余以六君子湯。加附子炮姜。以回其陽。頓甦。又以十全大補湯。加炮姜附子。補其血氣。而全安。

一婦產後心痛手不可近腰脉大滯滯此瘀血纏繞于投失笑散下血而愈次日復作又用前藥而安

一婦產後心痛用大黃等藥其血雖下復患頭痛而發熱惡寒次日昏憒自以兩手堅護其腹不得診脈視其面色青白詳以為脾氣虛寒而作痛也用六君子湯加姜桂而痛止又用八珍湯加姜桂而全安

### 腹痛門

一婦產後腹痛發熱氣口脉大詳以為飲食傷脾不信乃破血補虛反加寒熱頭痛嘔吐痰沫又用降火化痰理氣等藥遂至四肢厥逆泄瀉下墜始悔悟問余曰何也余曰此脾胃虛寒之變證也法當溫補其中遂用六君子湯加炮姜肉桂木香四劑而諸證悉退再進補中益氣湯加姜桂數劑而元氣遂復

一婦產後腹痛後重下痢無度形體倦怠飲食不甘以懷抱久鬱并患薄唇寐而盜汗如雨晝夜不敢寐神思消燥殆甚詳診脉數洪滑重按無神曰此氣血虛而濕熱淫溢也投當歸六黃湯連相曹及旨炒黑一劑而盜汗止再劑而痛痢瘳乃以歸脾二珍二湯兼服元氣得復而全安矣

一婦產後腹大痛聲騰下有塊脉滿軟數此血虛挾寒滯而成瘕也故痛減則塊亦減小痛定時則塊亦平復無痕百治不效一人教以羊肉四兩熟地二兩生薑二兩酒煎服汁十三次塊與痛全消盡釋而安

一產婦產後小腹作痛服行氣破血之藥不效其脉洪數此瘀血內漬為膿也以瓜子仁湯二劑痛止更以太乙膏下膿而全愈

一婦產後小腹痛小便不利用蒼朮仁湯二劑痛止更以四物湯加桃仁紅花下瘀血而愈大抵此證皆因營衛不調兼瘀血停滯其脉洪數已有膿脉但數微有膿脉若遲緊乃仍瘀血可下之而愈

一婦產後小腹痛有塊脉孔而滿此血虛挾瘀以四物湯加桃仁紅花延胡牛膝木香治之而安

一婦產後小腹痛甚手關緊急神昏厥冷脉緊濡大此於血寒冷凝結而心失所榮神明失指也投以笑散加姜桂煎湯一服而甦二劑而痛全愈破亦回再以四物湯加炮姜肉桂白朮陳皮調理半月而康復如常

一婦產後小腹痛脉數滯滑此瘀血停滯凝欲成癰瓜子仁湯下之而安

一婦產後惡露下來比常較多醫以海藥止之遂腹痛牽引小腹難忍脉滯沉滑此血氣凝滯而不調也投以笑散用木香枳殼煎湯三服而安

一婦產後腹中疝痛牽引小腹兼寒熱不止脉虛濡弦浮此惡露已盡衝任受寒而營衛不調也投當歸建中湯四劑而寒熱減腹痛退小腹和又以八珍湯加姜棗調治半月而霍然矣

### 脇痛門

一產後因怒傷肝兩脇痛脹吐血甚多或惡寒發熱診脉軟虛弦絳以為血氣兩虛兼怒氣逆用八珍湯加柴胡丹皮炮姜而血頓止痛脹亦減又以十全大補湯加炮姜而寒熱亦解調理半月而康健如常

### 腰痛門

一婦產後腰痛牽引腹脹善噎諸約皆嘔脉濡弦濡絳以為脾虛血弱胃氣不化而濁陰寒寒腎家受制使然也用白朮三觔久製醇熟焙脆為末每劑一兩茶飲調下四劑痛減四十餘劑而霍然矣

### 頭痛門

一產婦患頭痛日用補中益氣湯不效已三年矣稍勞則惡寒內熱脉軟而濡絳以為陽虛不能布澤仍用前方加熟附子二錢三十劑而痛不再發

一婦產後頭面青口苦已二年矣日服四物等藥無效診之脉數虛弦微濡曰此腎水不足不能涵

養肝木而血虛生風也用六味丸加柴胡歸芍五味子兩月餘而二年之患已全瘳矣

一邪淺恂瘦金華居產七日不食始言頭痛頭痛已又心痛作既而又目睛痛如刺更作更止相去無瞬息時每頭痛甚欲取大石壓良久漸定心痛作則以十指抓臂血流滿掌痛定自復痛又以兩手自剗取之如是十日不已眾醫無計脈緩不虛此無他乃精聚轉攻經氣壅塞所以更迭作痛余用殺虫藥先進黑龍丹半粒疾少間中夜再進乃瞑目寢如平時至清晨下一行約三升許如蝗虫子三疾減半已刻又行如創畢而頓愈矣

### 遍身痠痛

一婦產後身腹作痛發熱不食煩躁不寐盜汗胸膈服解散祛血之藥不時昏惰六脈洪大重按如無此元氣大虛邪氣熾伏投補中益氣湯加炮姜半夏病勢頓退二三日又劇寢食甘美但背強而痛此邪雖外解血氣併虛又用八珍湯十全大補湯調理半月而康復如常

一產婦遍身頭項作痛惡寒拘急脈浮數此風寒傷營之證用五積散一劑汗出遍身而愈但倦怠發熱此外邪去而真氣內虛用八珍湯調理而安

一婦六月生產產後多汗倦怠不敢袒被故汗清被褥冷則浸漬得風濕疼痛脈細症浮遠以羌活續斷湯數服而愈

### 腳氣門

一婦產後兩足疼痛直至腿膝脈細緊弦此風濕襲經而邪搏於下也投獨活寄生湯加肉桂一劑而汗出病愈後因勞復作脈數軟弱此血氣太虛脾陽不能統運故汗出如水吐痰如湧也用十全大補湯培養氣血病勢漸減惟飲食日少肌肉日瘦脈數沉細此命門火衰脾土虛寒而吐痰肌削納化遲難

也用八味丸歸脾湯一月而病始全愈肌肉亦漸生矣

### 傷寒門

一婦新產後惡露瀉少寒熱不止飲食少進神志時昏脉軟細數此衝任兩虧寒邪傷之為血分傷寒投

三物建中湯合清魂散

桂清魂散  
見產後

二劑而寒熱胡解改用八珍湯去川芎甘草加姜桂三劑而全安三物建中湯當歸赤芍肉

一婦產後寒熱泄瀉惡露不行小腹痛脈細數此中氣大虛寒邪傷之而不能化血也投理中湯合

三物建中湯去當歸加荊芥澤蘭三劑而寒熱退惡露行小腹痛減泄瀉漸稀又以理中湯加熟地肉

桂數劑則泄瀉定腹痛除調理半月而健旺如常

### 中風門

一婦產後患中風手足不便諸治不效反加腹痛雷鳴自汗泄瀉四肢逆冷脉細弦滑此脾土虛寒而不

能制濕以召風也投六君子湯加姜附各五錢未應以參附各一兩乾姜炮黑五錢白朮五錢三劑始

應又以十全大補湯加姜附三十餘劑而始安手足亦漸漸輕捷矣

一婦新產後血崩發熱右手足不便脉數微茲此血虛中風而不能統血歸經以榮筋也投大秦芩湯屏

去風燥諸藥如虎骨鹿角霜三劑而血定熱退惟手足偏右軟癱不能舉動轉移猶喜飲食漸進神

志漸寧脉更軟數改用十全大補湯去川芎甘草加炮姜黑附虎骨鹿角膠三十餘劑而輕便如常

此吳雲昌長媳 秦光用  
附芥氏汁煮

### 瘰癧門

一杜任治郝曾子婦產四日忽患瘰癧數眼弓背反張任診脉茲以為發瘰癧大豆紫湯獨活湯而愈



堅志一內室方分換猶在尊中忽發煙頭足反接相去幾二三尺餘家人驚駭以數婢強拗之不屈適有  
獨活一味急煎飲之召醫未至連飲三次遂能直及醫至乃即愈矣

癩瘕門

一產婦因太勞兩臂不能屈服蘇合香丸肢體痿軟汗出如水余以為前鑿辛香耗散真氣膠理虛而津  
液妄泄也脉虛軟先用十全大補湯加五味子補是膠理收斂真氣汗竭止又以四君子湯調補元氣  
更用逍遙散大補湯調理一月而康

一產婦先胸乳痛腹後因大怒遂口噤吐痰臂不能伸小便遺出診之左三部脉弦余以為肝經血虛風  
火相煽而不能榮經絡也先用逍遙散治之則臂能屈伸又以補肝散六味丸數劑而諸證悉平

一婦人發熱遺尿自汗面赤或青飲食如故肝脉弦緊余曰肝經血燥生風而發熱也以肝主小便其色  
青肝火炎則赤筋絡失養則癩也法當滋陰血清肝火遂用加味道遙散不數劑而諸證悉退又以八  
珍湯加丹皮山梔調理一月而全安

一婦人產後血風患癩癩脉滿浮按此血分受風而筋脉失養也遂以小續命湯加減數劑而安

拘攣門

一婦產後筋攣臂軟肌肉暈動脉軟虛數此氣血大虛虛風內煽而筋失所養也用十全大補湯藥二十  
餘劑而安

一婦產後手麻服愈風丹遍身皆麻神思倦怠脉軟弱滿此陽氣虛而不能統運也用十全大補湯加炮  
姜數劑而麻漸退虛漸回改逍遙散加姜汁又數劑而全安

不語門

一婦產後不語。脉數弦浮軟滿。此氣虧血滿。扶風邪而心氣閉塞。神機不能鼓舞也。用七珍散一服而能言。三服如舊。後因勞而不語。內熱晡熱。肢體倦怠。飲食不進。脉軟微數。此心脾大虛。挾熱而神機不能開發也。用加味歸脾湯為主。佐以七珍散而愈。後復因怒不語。口噤發搐。腰背反張。或小便見血。或面赤。或青。或黃。脉數弦浮。重按綿軟。余以為心血大虛而不能化氣。致見心肝脾三經之色。用八珍湯加鈎藤。祛神遠志四劑而漸漸能言。又用加味歸脾湯百餘劑而病不再發矣。

### 叢語妄言門

一婦產後形體倦甚。時發叢語妄言。脉數虛滿。此心氣虛而血不榮心也。用柏子仁散稍減。又用加味歸脾湯而愈。又因暴怒。脇痛狂言。小便下血。脉軟弦數。此肝血虛而肝大旺。肝熱則多言也。用加味逍遙散以清肝。大養肝血而瘥。又以加味歸脾湯三十餘劑全安。

### 顛狂門

一婦產後時顛時狂。或言或笑。或怒或哭。脉數弦洪。此心氣虛而心火為之升降也。先以茯神湯芩補其心。顛狂之勢日以漸減。又用八珍湯加遠志。棗仁三十餘劑而全安。

一婦產後亦患前證。用安神化痰等藥。病益甚。反加神思困倦。飲食不進。余診之。脉軟微滿。此心脾血氣大虛而挾鬱也。遂以參朮苓歸。後神棗仁遠志大劑。與服計四劑餘而漸安。又用歸脾湯五十餘劑而全愈。

### 乍見鬼神門

一婦產後別無他病。時若與人對話。或驚叱。或悲恐。家人勸慰乃大聲曰。鬼神滿室。成隊成群。昌不與我。敬送之。醫用調經散愈。而復作。仍用前藥。醫反朝寒暮熱。痰涎上湧。脉軟急。症重。按無神。余曰。此血

氣大虛心失所養而神不守舍也故乍有所見名之曰乍見鬼神朝用八珍湯加棗仁遠志夕用加味歸脾湯加棗仁柏仁各五十餘劑而寒熱頓解痰涎亦化病不再發

### 驚悸門

一婦產後患驚悸惕惕然驚松然悸且夜摩寧醫用琥珀地黃丸局方妙香散隨効後因夢復作仍以一二方服之其證益甚反發熱惡寒診六脉洪大按之無神此血氣大虛胆失所依也用十全大補加味歸脾二湯各百餘劑而安

### 恍惚門

一婦產後心神恍惚盜汗自汗發熱暈熱面色黃白四肢畏寒脉軟微數此血氣大虛神失所依而心脾之陽不能上奉而外戴榮內也用八珍湯不應更以十全大補加味歸脾二湯俱加棗仁五味服五十餘劑方始克應後因勞心發厥昏憒左目暈紫兩合抽動小便自遺脉軟急疾以為肝火熾盛生風而投穩神明失其主宰而昏厥也仍以十全大補湯加鈞藤山梔數服而病愈再用十全大補湯加辰砂遠志丸服而病不復發

### 虛煩門

一婦產後心胸煩滿氣短不寐脉數弦澀此心氣鬱而虛熱乘心也與竹葉湯三劑稍寧又以竹茹湯去黃芩加歸身四劑再用加味道遙散及加味八珍湯各數服而全安

一婦產後遺精新產後去血過多心煩不寐余診之脉濡數細澀此血氣兩虛心神失養而虛煩也先以人參宮歸湯數劑稍寧又以逍遙歸脾二湯調治數月全安

### 發渴門

一婦產後發渴朝寒暮熱肚腹作痛以手按之不痛脉軟微數余以為氣血俱虛津液不能上奉也當以八珍之類治之彼不信余言反行逐血更加發熱煩燥脉更軟數余用當歸補血湯熱燥漸止更以八珍湯加麥冬五味補其血氣滋其津液而腹痛止渴亦頓解矣

一婦產後惡露不行上渴下瀉無少暈時脉軟弦浮此脾胃虛而津液不能上奉也與七味白朮散二劑泄瀉頓止又用八珍湯加糯粉炒麥冬五味子三十餘劑而渴亦全解

一婦產後略聞聲嚮其汗如雨頃刻昏惰諸藥到口即噎脉軟沉細余以為脾土虛寒大不能生而衛氣不密也用參附末五味子濃汁細丸乾嚙嚙汗仍以參附末未熟地歸身五味數十劑而汗定身康矣  
一婦產後盜汗不止神思困倦口乾引飲脉數虛滿余以為血虛有熱遂令以當歸補血湯代茶又以當歸六黃湯以連柏炒黑倍加人參五味子煎服四劑盜汗不復作渴亦頓解而身康矣

### 發熱門

一大尹俞君之內產後惡露已去發熱晡熱便血吐血小便頻數而無盜汗潮熱時痛脹不止肚腹痞悶余以為諸藏虛損治當固本彼自恃知醫反用降火之劑更加瀉痢腸鳴嘔吐不食腹痛足冷始信余言診其脉或浮洪或沉細或如無其面或青黃或赤白此虛寒在內而外乃假熱時值仲夏暑時從證先以六君子湯加炮姜肉桂數劑痛脹俱退痢亦遂愈更以十全大補湯加炮姜大棗三十餘劑而熱亦不復發矣

一儒者楊敬之內產後發熱瀉痢更兼吐痰或用溫補化痰不應面色蒼黑兩足浮大按之微細曰此命門火虛不能生脾土而虛陽外浮濕不受制也以八味丸補土之母而痰痢皆除熱亦不再發矣

一婦新產甫經三日惡露雖通血氣未定其朝早起感冒遂身熱目暗如中風狀脉數弦濡即以清魂散

加肉桂當歸一劑而得微汗三劑而身熱全瘳自亦不復暗矣

滑伯仁治一婦產後惡露不行頭反寒熱臍腹悶痛皆以為感冒寒熱姜附溫之益大熱遂手足搐搦語礙目窳宛如中風狀滑診其脈沉弦洪數面赤唇焦口中喃喃不可辨舌黑如烙燥無津液胸腹不勝手按蓋以燥剝搏血血熱生風而血蓄為痛也此熱入血室血結生風之候先以清熱降火涼血治風之藥兩服頗爽繼進琥珀牛黃等稍解人事後以張從政三和散行血破瘀三四劑惡露天下如初時產已十餘日矣於是諸證悉平

一婦經感暑月中產三日惡露不行遂發熱狂言叫呼奔走擊捉不住脈大而疾此敗血冲心心氣不降而神明失指也以乾荷葉生地黃牡丹皮前瀉調下生蒲黃三錢一服即定惡痰下而安

一婦產後身熱汗多時發昏昏眩暈口渴或時頭痛惡心醫用四物涼血病不減用小柴胡湯病益甚汪石山診之脈浮搏指注曰產後而得是脈又且汗多而脈不為汗衰法在不治所幸者不喘不泄耳其脈如是蓋為涼血藥所搏激也遂以人參三錢黃耆三錢當歸身二錢炙甘草白朮各錢半炮姜一錢煎服五劑則脈斂汗收熱退而病斷安矣

王念慈云人產後因沐浴遂發熱嘔惡渴欲飲冷水喉言妄語若狂蓋其體氣豐厚素不受補醫用清涼之劑則熱躁轉增注診六脈浮大洪數曰產後氣血暴虛孤陽外越內真陽而外假熱也宜大補氣血與八珍湯加炮姜一錢一劑而熱減大半病人自以素不受參不宜再服過一日大熱如大復與前劑潛加參耆炮姜三四劑而熱退身涼脈亦靜而病不再發矣

### 寒熱明

一婦產後惡露已行惡寒發熱不休脈象軟數重按無神此營衛大虛不能布護也用十全大補湯加炮

姜數劑而愈。惟飲食不甘，肢體倦怠，用補中益氣湯加炮姜而漸安。後又飲食後犯怒，遂復惡寒，發熱反抽，搐咬牙，難於候脈，視其面色青中帶黃，欲令按腹以手護之，此必肝木侮脾土，飲食停滯而清陽失敷，百脈皆無，靈氣以滋榮也。六君子湯加木香、鈞藤一劑而減，四劑而全安。

一婦產後惡露已行，發熱不止，脈數虛軟，此血氣虛而陽欲外亡也。余欲用八珍湯加炮姜治之，其家自恃知醫，以為風寒未解，欲用小柴胡湯。余曰：寒熱不齊乃氣血虛乏，不能外衛之象，不信仍服一劑，汗出不止，譫語不絕，煩熱作渴，肢體抽搐，始信余治，乃改用十全大補湯加炮姜，不應脈洪，加重按全無。此因虛極生寒，乃內真寒而外假熱也。仍以前方加附子四劑稍緩，二十餘劑全安。

吳菱山治一婦人產後去血過多，食後者噎，頭疼身痛，寒熱如瘧，左手弦大，微有寒初，右手弦滑不勻，乃飲食挾痰火也。二者皆因虛而得，宜春正祛邪，遂以茯苓補心湯去地黃加羌活、青皮、芍藥三服，汗出身涼，其患漸瘳，然後以八物湯調理半月，後始全愈。

一婦產後惡露未盡，瘀血入絡，又感寒初，身反寒熱如瘧，脈浮緊細弦濇，與生科五積散五帖，惡露下而寒熱諸證悉痊。

一婦產後惡露未盡，因早離床，沐浴寒濕之氣，客於經絡，乍寒乍熱，不已，脈弦細軟滿，此寒鬱其經，不能運行血氣而托出外邪也。與生科五積散三劑，惡露下而寒熱亦解。

一少婦初產甫經四日，冷物傷於脾胃，但覺身中不快，心腹滿悶，或嘔逆食少，或腹脇刺痛，晨惡寒，晚發熱，深夜則恍惚，譫語常事，前抽搐類風，變異多端，諸醫莫測，或作虛風，或云血熱用溫熱行血而獲效，以寒涼退熱而病增如此半月，卒無定見。汪石山診其脈弦而緊，遂以按小腹急痛，知瘀血未盡也。思此症惡露原道，未必血瘀腹中，但因寒涼所傷，血於停滯下焦，日久遏抑，益於經絡，所以變生諸證，須

得大調經散倍入琥珀化諸惡血成水且重方愈遂令前藥服之五日後行惡水斗許其不可近惡人  
覺倦病勢漸減然後以人參養營湯數十劑月餘如初

### 瘧疾門

一婦產後患瘧發熱作渴胸膈脹滿遍身作痛三日不食嘔酸嗳氣脉弦滯滯此飲食所傷脾胃不能消化也。用六君湯加神曲山楂四劑而不作酸脉之清滯已覺流利乃去神曲山楂又數劑而飲食漸進其大便不通至三十五日計飲食七十餘碗腹始得令用猪胆汁導而通之其薑且不甚燥瘧乃愈

一婦產後患瘧久不愈苦楚萬狀百疾蜂起或頭痛或腰痛或身疼或嘔惡其脉或洪大或微細或弦緊或沉伏此寒熱交爭而正氣不勝邪不受制也遂以六君湯加炮姜二十餘劑脉證始定。又用參耒煎膏佐歸脾湯百餘劑而始瘥

一婦產後朝寒暮熱或不時寒熱久不愈脉弦遲疾不調此正氣內虛不能勝邪而外却也。用六君子湯補中益氣湯相間前服各三十餘劑而始瘥

### 蓐勞門

汪石山治一婦人產未滿月因暴怒血流如水三日方止。隨又勞苦四肢無力日晡潮熱睡中汗出口乾五心如炙諸醫皆用養榮薄荷之類其熱愈熾其脉弦大無方此蓐勞也。以四物湯料一兩入胡黃連秦艽青蒿各半錢煎數服熱退身涼後以胡黃連八珍湯料丸服而全愈

### 痞悶門

一婦產後食角黍煇湯痞悶腹痛大便欲去服消導之劑不應飲食日減肌體日瘦已半年矣脉軟沉滯許以為食積久停。令用大酒曲炒為末溫酒調二錢俄傾腹鳴良久仍下糞而愈

一婦產後食魚肝腹痛患痢脉弦微瀼此魚為水中之味肝為魚肉之滓惟能助濕傷脾滑利腸胃所以諸藥不能克應今以陳皮白朮等分生研為末茉莉花濃汁調下三錢數服而痛痢全瘳

### 腹脹門

一婦產後患腹脹或以為瘀血用抵當湯敗血果下脹急益甚脉數軟瀼此脾氣虛而清陽下陷脉絡不能宣通而瘀血未盡也朝用補中益氣湯夕用六君子湯俱加炮姜仍下瘀血而後安

一婦產後惡露滯少遂致大腹脹悶嘔吐不定脉數濡弦滯滯此氣虧不能化血而濕伏於中也真祇湯三錢而血水大下腹脹頓退後以六君子湯數劑嘔吐不復再作矣

### 浮腫門

一婦產後飲食少思服消導之劑四肢浮腫飲食益不能進脉軟微瀼余以為中氣不足清陽陷而濁陰不化也遂朝用補中益氣湯夕用六君子湯各數劑腫退食進而愈後因怒腹脹服沉香化氣丸吐瀉不止飲食不進而小便不利肚腹四肢復腫乃以全贗腎氣丸加減調治三十餘劑而諸證悉平

一婦產後泄瀉面目四肢浮腫喘促惡寒脉數浮數余以為脾肺虛寒不能輸化濁陰而氣陷也先以六君湯加炮姜而泄瀉定後以補中益氣湯加炮姜五味則喘腫諸證悉平矣

一婦產後四肢浮腫寒熱往來氣喘欬嗽胸膈不利嘔吐酸水兩脇疼痛脉弦浮瀼此火肝氣受抑邪逆而氣不得下降也遂用夜覆花湯微汗而解後用小調經散以澤蘭煎湯調下則喘腫諸證悉平矣

### 積聚門

一產婦腹中似有一塊或時作痛而轉動按之不動面色痿黃痛甚則皎白脉浮而瀼余以為肝氣虛而血弱不能營運也不信乃服破血行氣藥痛益甚轉動無常又認為血壅更用破血駐逆之藥痛攻



兩脇肚腹尤甚。蓋信為血證。確服下血等藥。去血過多。形氣愈虛。肢節間各結小核。隱於肉裡。以友。蓋  
子畏藥而走。散於外。余曰。肝藏血而養諸筋。此肝血復損。則筋失所養。而筋攣也。蓋肢節胸項皆屬肝  
胆部。當養其脾土。補其肺金。以滋肝血。則筋自不攣。核自消散。而痛無不解。始任余用八珍湯。逍遙  
散歸脾湯。三方迭治。各數服。而核消痛漸安矣。

一婦產後兩物腫脹。小便滯澀。腹中有塊。作痛。或上冲腸腹。或下攻小腹。發熱。惡寒。肌肉消瘦。飲食無味。  
脈軟虛滿。久而不愈。余以為肝脾虧損。不能營運血氣也。遂以逍遙散。八珍湯。歸脾湯。隨證迭投。各  
三十餘劑。而諸證悉平矣。

### 霍亂門

一婦產後得食霍亂。用藿香正氣散已愈。以後胸悶膨脹。飲食稍避。非嘔吐即泄瀉。脈數虛弱。余以為脾  
胃兩虛。土不制濕也。用六君子湯。加木香。益智治之。漸愈。後因飲食不調。更兼寒熱。又患霍亂。胸腹大  
痛。手足逆冷。用附子散。又用八味丸。補脾土之母。而痛不復發。

一婦產後吐瀉作酸。面目浮腫。脈象弦虛。重取細澀。此脾胃虛寒。而肝鬱乘脾也。遂以六君子湯。加炮姜  
越鞠丸。而作酸退。又以補中益氣湯。加半夏。茯苓。而吐瀉止。脾胃康復如常矣。

### 嘔吐門

一婦產後朝吐夜痰。夜發熱。晝夜無寐。或用清痰降火。飲食日少。肌肉日瘦。余診脈數虛。症曰。朝間吐痰。脾  
氣虛也。晝夜無寐。心脾血耗。而肝火內熾也。遂用六君子湯。加味逍遙散。加味湯。加味歸脾湯。以次調  
理。而諸證悉痊。

### 呃逆門

一婦產後惡露不盡三日後水穀入口即發呃二三聲時用丁香柿蒂湯不應反加昏憒口中喃喃呃發則撮口抬肩危迫殆甚薛氏診之脉洪濡動曰此難產受驚心氣不下胃氣上逆於血阻而升降失調也其夫應之曰然三日不產分絕後即便如此遂以失笑散數童便調下三錢一劑而甦醒再劑而呃減三劑而呃定惡露亦下而霍然也

一婦產後惡露已行身熱不解偶飲涼茶一二口即發呃不止薛氏診脉急疾重按緊濡不調曰此外有陽邪內傷冷飲遂以清魂散摩入丁香肉桂各五分一劑熱退再劑而呃定霍然脉亦和緩矣

### 咳嗽門

一婦產後一月有餘小腹作痛咳嗽食少微覺潮熱增寒脉濡弦數此衝任受寒血滯而上干肺絡也日

久失治乃勞怯之根投以新製溫經飲三劑而稍涼調治半月而全瘳

新製溫經飲肉桂杏仁末  
仁丹參黑荆芥茯苓斷續

一婦產後咳嗽痰鳴時有寒熱脉數弦浮此外感風寒留戀肺絡也投以旋覆花湯三劑而咳嗽稍減調治半月而全安

### 喘急門

一婦產後喘急自汗手足俱冷常以兩手護其臍腹脉細沉軟此真火衰弱虛陽欲脫也投參附湯四劑而安後加熟地黃耆白朮當歸充服而喘不復發

浦江吳輝妻年八個月分絕因二日後洗浴即氣喘坐不得臥五日後身熱惡風得煖稍緩兩關脉動尺寸皆虛百藥不效余以丹皮桃仁桂枝茯苓薑棗枳實厚朴桑皮蘇葉五味杏仁三服得臥其疾如失蓋作汚血感寒治之也

### 鼻衄門

一婦產後血逆上行，其面心跳，舌黑，口乾，脈數沉澀。此惡露不下，瘀血上升也。遂以益母丸二匣下，其血漸止，惡露漸下而安。

一婦素重多產，後已十三日，惡露已行，其血不止，脈數弦滑。此去血過多，陰不維陽而虛陽上逆，動血而下溢也。遂以四物湯沖熱童便一服，頓止，再服全安。

### 泄瀉門

一婦產後泄瀉，發熱作渴，吐痰甚多，肌體消瘦，飲食少，或胸膈痞滿，或小腹重墜，已年餘矣。脈滿弦滑，余以為脾胃虛弱，不能制濕而關門不固也。朝用二神丸，夕用六君子湯，各數劑而諸證全安。

一婦產後泄瀉，嘔吐吞酸，面目浮腫，已數月矣。脈虛浮弦，此乃脾氣虛寒，火不生土而不能制濕也。先用六君子湯加炮姜、附子，佐以越鞠丸，而吞酸愈，腫脹除。又用補中益氣湯加附子、茯苓，而泄瀉止，脾胃健，飲食漸進，而身體復如常。

一產婦泄瀉年餘，形體骨立，潮熱，自汗盜汗，口舌糜爛，日吐痰二三碗。脈數洪大，重按全無，此命門火衰，脾土虛寒，而假熱發露也。吐痰者，乃脾土虛寒而不能運化津液也。遂用八味丸補火生土，又用補中益氣湯兼補肺金，而脾胃健，泄瀉止，痰亦不吐矣。

汪石山治一婦產後滑泄瀉水粒米入口即瀉，出片刻勿容。如此半月餘，眾皆危之。或用五苓散平胃散，益甚。汪診之，脈皆濡緩而弱，曰：此產中努力以傷其脾，脾傷則胃亦不能納化，濕得妄行而滑泄也。若用湯藥，徒滋其濕，令以參朮白朮散去砂仁，加肉果補骨脂、姜朮湯，調服旬餘而瀉定，身康矣。

### 痢疾門

一婦產後食難下，腹中作痛，面色萎黃，服平胃二陳便下，則腹脹服流氣飲子，又小腹有一塊不時上攻。

飲食少進脉緩虛茲此脾胃虛寒肝木尅侮脾土而氣隔結積也用補中益氣湯加木香姜棗漸減又以八珍大補二湯俱加炮姜木香調理一月痢止脹退而康

一婦產後痢未至月滿即食冷物及酒冷熱相搏而與血攻擊滯下純血纏綿極痛診其脉大無力此濕熱傷血纏著腸胃也用黃芩芍藥湯三服而漸安

一婦產後腹痛後重下痢無度形體倦怠飲食不進更余為憐余診脉細軟弱曰此脾胃俱虛大不生土也用四神丸十全大補湯尋愈但飲食不化肢體倦怠又用補中益氣湯加炮姜而安

一產婦五月患痢日夜無度小腹痛墜發熱全寒用六君子湯送香連丸二服痢漸稀痛漸減又以前湯四神丸四服全愈此乃濕熱傷脾之痢也


大便不通門


一婦產後大便不通已七日矣飲食如常腹中如故脉軟微滿此血氣虛而不能濡潤宣通也故飲食不減腹無脹滿用八珍湯加桃仁杏仁至二十一日覺腹滿欲去用猪胆汁導之先去乾結燥盡五六枚後皆當裏而愈

一婦產後大便不通已經八日或用通利之藥中脘痛脹不思飲食又云通則不痛痛則不通乃用蜜煎導之大便不禁呃逆不食余診脉軟微茲此脾胃虛而初不傳送復受藥傷所以不能甚固也呃逆不食胃氣垂凶勢甚危逆遂以六君湯加吳茱由果補骨脂五味子數劑病幸獲効而身漸康

一婦產後大便秘結小腹痛脹用大黃等藥吐瀉不食腹痛胸痞脉虛弦細此脾胃虛寒關門失司之職余用六君子湯加黑附炮姜木香肉果治之而愈

一婦產後大便秘澁諸藥不應苦不可言診其脉濡口燥此血枯津涸人飲人乳而





肝痿不能約束胞門而陰戶下脫也。卻喜血不甚虛，但因時春暮天寒，忍其冷，壞急，亟以黃耆三錢、人參二錢、白朮一錢、當歸二錢、升麻五分、三帖連服之，即收上。得汗漏體乃安。惟下血者，虛乾者，落一斤，約重二三兩許，蓋脂膜也。會進得眼診其脈瀯，左略弦，視其形，却是與白朮芍藥各錢，其皮一錢、生薑一片，煎二三帖，養之而全安。

一婦產子後，陰戶中下一物，如合盃狀，有二歧，其夫求治，余思之，此必子宮也。乃氣血虛弱而下墜於外者，用黃耆、升麻、大劑一帖與之。半日後，其夫復來曰：服二次後，覺響一聲，視之已收，但因經宿乾着，席上破落一片如掌心大，其妻在旁哭泣，恐傷破不可復生，予思之，此非腸胃乃脂膜也。肌肉破尚可復完，遂用四物湯加人參數劑，丸服一料，而復能生子。

一產婦子宮下墜，脈軟虛瀯，此氣虛不能收攝而下陷也。遂與黃耆三錢、人參錢半、當歸二錢、升麻五分、炙草八分，作一帖服，卻令用五倍子末煎湯洗，又以末敷之，如此數次，即安。

一產婦數日後，水道中出肉線一條，長三四尺，動之則痛，欲絕。脈象不虛，先服失笑散，以帶皮姜二兩，研爛入香油二觔，煎油乾為度，用絕兜起肉線，屈曲於水道邊，以前姜煎之，冷則熨之。六日後，縮其大半，二六日即盡入。再服失笑散，湯下，或芍歸調理之。此血虛氣虧，不能統攝子宮脂膜而下肉線也。如肉線斷，則不可治矣。

一產婦子宮腫大，墜出二日，方收，捐落一片，殊類猪肝，面黃體倦，飲食無味，內熱晡熱，自汗盜汗，脈軟虛瀯。此血氣大虛，真陽不能收攝也。與十全大補湯，去肉桂加附子、鹿茸、麥冬、五味，三十餘劑，諸證悉愈，仍復生育。

前陰腫痛門

一婦產後前陰腫痛右腳難伸。脉虛弦數。此脾胃素虛。挾肝火而濕熱下注也。與加味道遙散。加米仁車前子。四劑頓平。仍服道遙散。補中益氣湯。各二十餘劑而全安。

一婦產後玉門腫痛。寒熱作渴。嘔吐不食。外敷大黃等藥。內服驅利之劑。遂致腫及於腎。諸證蜂起。脉軟虛弦。此真氣弱而濕氣淫溢於經隧也。先用六君子湯健運脾胃。次用補中益氣湯。升舉清陽。不數劑而腫痛如失。寒熱亦解。不復嘔吐矣。

一婦產後玉門腫痛。失治。潰腐形體消瘦。飲食少思。朝寒暮熱。自汗盜汗。已半年矣。脉軟虛濡。此氣血大虧。而濕滯於下也。遂以補中益氣湯。加茯苓半夏數劑。而濃水漸少。飲食亦漸進。又用歸脾湯五十餘劑而全愈。

產戶不閉門

一婦產後玉門不閉。飲食少思。脉軟虛濡。此血氣大虛。而真陽衰耗。失其啟閉之權也。遂用十全大補湯。加附子萸肉。三十餘劑。而玉門自收。丸服而如舊矣。

一婦產後玉門不閉。發熱惡寒。脉軟虛細。此氣血虛寒。真陽不足。而榮衛不能布護也。與補中益氣湯。十全大補二湯。俱加附子炮姜。送治而寒熱退。更加五味山萸。三十餘劑。而玉門無恙矣。

一婦產後玉門不閉。小便淋瀝。腹內有一塊。攻走腸下。或脹或痛。脉數弦虛微濡。此肝脾虛弱。怒火逆滿。而濕熱下注。以結塊也。與加味道遙散。加車前子數劑。而小便利。更以前方去山梔。加川棟子小茴香。又數劑。而諸證悉退。玉門亦永久無恙矣。

乳汁不行門

一婦產後乳少。服藥通之。乳房腫脹發熱。作渴。而乳汁絕不能行。脉虛微數。此乳虛而不能行。上為乳。



竅壅閉不通也。與玉露散加蓮房荷梗補而通之。又用八珍歸脾二湯各三劑。而乳汁湧出不脹。乳腫亦即霍然矣。

乳汁自出門

一婦產後勞役太過。忽然乳汁湧出昏昧吐涎。脈軟急數。此血氣大虛。而因勞奔迫以發厥也。灌以獨參湯。而神漸甦。更以十全大補湯數劑。而乳汁收。神志清。涎亦不復再吐矣。若婦人血氣方盛。乳房作脹。或無兒。哺痛脹發熱。憎寒。用炒麥芽二三兩。水煎服。即消。此即斷乳法。如胎前乳汁先出。謂之乳。極生子多不育。當大補之。

